

唐書合鈔

唐書卷第二百五十八上

列傳五十八上

南蠻 西南蠻

林邑

扶南 從新書增

婆利

盤盤

真臘

陀洹

訶陵

墮和羅

墮婆登

投和 從新書增

瞻博

從新書增

室利佛逝

從新書增

名茂

從新書增

單單

從新書增

東謝蠻

西趙蠻

星野三言之二

松外蠻

從新書增

牂牁蠻

兩爨蠻

從新書增

南平獠

飛頭獠

從新書增

東女

南詔蠻

蒙雋詔  
選朕詔

越析詔  
施浪詔

浪穹詔  
皆從新書增

驃

西原蠻

林邑國漢日南象林之地

環王本林邑也一日占婆

在交州

南千餘里

海行三千里

其國延袤數千里

東西三百里而北

與驩州接

西距真臘霧溫山南抵奔浪陁州其南大浦有五銅柱山形若倚蓋西重巖東涯海漢馬

援所植也又有西屠夷蓋援還留不去者才十戶隋末

唐南地氣冬溫不識冰雪常多霧雨其所居城立木

境

爲柵

呼王爲陽蒲逋王妻爲陀陽阿熊太子爲阿長逋宰相爲婆漫地王所居曰占城別居曰齊國曰蓬

皮

勢王著白氎古貝斜絡膊繞腰上加真珠金鎖

新書

以

爲瓔珞卷髮而戴花

金華冠如章甫

夫人服朝霞古貝以爲短

裙首戴金花身飾以金鎖真珠瓔珞王之侍衛兵有五

千人能用弩及矰以藤爲甲以竹爲弓乘象而戰王出

則列象千頭馬四百匹分爲前後

不設刑有罪者使象踐之或送不勞山界

自其人拳髮色黑俗皆徒跣得麝香以塗身一日之中

再塗再洗拜謁皆合掌頓顙嫁娶之法得取同姓俗有

文字尤信佛法人多出家

治金銀像大或十圍

父母死子則剔髮

而哭以棺盛屍積柴燔柩收其灰藏於金瓶送之水中

俗以二月爲歲首稻歲再熟自此以南草木冬榮四時

皆食生菜以檳榔汁爲酒

柳葉爲席

有結遼鳥能解人語

產虎魄猩猩獸隋仁壽中遣將軍劉芳伐之其王范梵志挺走以其地爲三郡置守令道阻不得通梵志哀遺衆別

建國

武德六年其王范梵志遣使來朝八年又遣使獻

方物高祖爲設九部樂以宴之及賜其王錦綵貞觀初

遣使貢馴犀

繆鎖五色帶朝霞布

四年其王范頭黎遣使獻火珠

大如鷄卵圓白皎潔光照數尺狀如水精正午向日以

艾蒸之卽火燃

與婆利羅刹二國使者偕來林邑其言不恭羣臣請問罪太宗曰昔苻堅欲吞

晉衆百萬一戰而亡隋取高麗歲調發人與五年又獻

爲怨乃死匹夫手朕敢妄議發兵耶赦不問五色鸚鵡太宗異之詔太子右庶子李百藥爲之賦又

獻白鸚鵡精識辯慧善於應答

數訴寒

太宗憫之並付其

使令放還於林藪自此朝貢不絕頭黎死子范鎮龍代

立獻通天岸雜寶

太宗崩詔於陵所刊石圖頭黎之形列於元

闕之前十九年鎮龍爲其臣摩訶漫多伽獨所殺其宗族並誅夷范氏遂絕國人乃立頭黎之女婿婆羅門爲

王後大臣及國人感思舊主乃廢婆羅門而立頭黎之

嫡女爲王

諸葛地者頭黎之姑子父得罪奔真臘女之不能定國大臣共迎諸葛地爲王妻以女

永徽至天寶凡三入獻至德後更號環王元和初不朝獻安南都護張舟執其僞驩州都統斬三萬級虜王子

五十九獲戰象舡鎧

自林邑已南皆卷髮黑身通號爲崑崙

扶南在日南之南七千里地卑窪與環王同俗有城郭

宮室王姓古龍居重觀柵城楛葉以覆屋王出乘象其  
人黑身鬖髮儼行俗不爲寇盜田一歲種三歲穫國出  
剛金狀類紫石英生水底石上人沒水取之可以刻玉  
扣以殺角乃泮人喜鬪雞及猪以金珠香爲稅治特牧  
城俄爲真臘所并益南徙那弗那城武德貞觀時再入  
朝又獻白頭人二白頭者直扶南西人皆素首膚理如  
脂居山穴四面峭絕人莫得至與參半國接

婆利國在林邑東南海中洲上

地大洲多馬亦號馬禮

其地延袤

數千里自交州南渡海經林邑扶南赤土丹丹數國乃  
至焉其人皆黑色

朱髮而拳鷹爪獸牙

穿耳附璫

以夜爲市自掩其面

王姓

刹利耶伽名護路那婆世有其位王戴花形如皮弁裝以真珠瓔珞身坐金牀侍女有金花寶鏤之飾或持白拂孔雀扇行則駕象鳴金擊鼓吹簫爲樂男子皆拳髮被古貝布橫幅以繞腰風氣暑熱恒如中國之盛夏穀一歲再熟有古貝草緝其花以作布麤者名古貝細者

名白氎

多火珠大者如鷄卵圓白照數尺日中以艾藉珠輒火出產瑋瑁文螺石珉初取柔可治既鏤

刻卽堅有舍利鳥通人言

貞觀四年其王遣使隨林邑使獻方物

其東

卽羅刹也與婆利同俗隋煬帝遣常駿使赤土遂通中國赤土西南入海得婆羅總章二年其王旃達鉢遣使者與環王使者偕朝環王南有殊禁者泛交趾海三月乃至與婆羅同俗貞觀二年使者上方物九年甘棠使者入朝國居海南十二年僧高武令迦乍鳩密四國使者朝貢僧高值水真臘西北與環王同俗其後鳩密王



尸利鳩摩又與富那王尸利提婆跋摩等遣使來貢僧高等國永徽後爲真臘所并

盤盤國在林邑西南海曲中北與林邑隔少海自交州

船行四十日乃至其國與狼牙修國爲隣王曰陽粟翬其民瀕水居

比木爲柵石爲矢鏃王坐金龍大榻諸大人見王交手

抱肩以跽其臣曰教郎索濫曰崑崙帝也曰崑崙勃和

日崑崙勃諦索甘亦曰古龍古龍者崑崙人皆學婆羅門

崑崙聲近耳在外曰那延猶中國刺史也

書甚敬佛法有佛道士謂爲食不食酒肉貞觀九年遣使

來朝貢方物其東南有哥羅一日箇羅亦曰哥羅富沙羅王姓矢利波羅名米失鉢羅累石爲城

樓闕宮室茨以草州二十四其兵有弓矢稍及以孔雀羽飾蠹每戰以百象爲一隊一象百人鞍若檻四人執弓稍在中賦率輸銀二鉢無絲紵惟古貝畜多牛少馬非有官不束髮凡嫁娶納檳榔爲禮多至二百盤婦已嫁從夫姓樂有琵琶橫笛銅鈸鐵鼓蠶死者焚之取燼貯金罌沈之海東南有拘婁密海行一月至南距婆利

行十日至東距不述行五日至西北距文單行六  
日至與赤土墮和羅同俗永徽中獻五色鸚鵡

真臘國在林邑西北本扶南之屬國崑崙之類在京師

南二萬七百里北至愛州六十日行東距車渠西屬驃南瀕海北與道明

接東北抵驩州其王姓刹利氏新書刹利伊金那有大城三十餘所王

都伊奢那城貞觀初并扶南有其地風俗被服與林邑同地饒瘴

癘毒海中大魚有時半出望之如山每五六月中毒氣

流行卽以牛豕祠之不者則五穀不登其俗東向開戶

以東爲上客至屑檳榔龍腦香蛤以進不飲酒比之滛與妻飲房中避尊屬有戰象五

千頭尤好者飼以飯肉與隣國戰則象隊在前於背上

以木作樓上有四人皆持弓箭國尙佛道及天神天神

爲大佛道次之

與參半驃通好與環王乾陀洹數相攻

武德六年遣使貢

方物貞觀二年又與林邑國俱來朝獻太宗嘉其陸海

疲勞錫賚甚厚

自武德至聖歷凡四來朝

南方人謂真臘國爲吉茂

國自神龍已後真臘分爲二半以南近海多陂澤處謂

之水真臘半以北多山阜謂之陸真臘亦謂之文單國

或曰婆鑊地七百里王號宜屈

高宗則天元宗朝並遣使朝貢

開元天寶時王

子率其屬二十六來朝拜果毅都尉大厓中副王婆彌及妻來朝獻馴象十一擢婆彌試殿中監賜名賓漢是

時德宗初卽位珍禽奇獸悉縱之蠻夷所獻馴象畜苑中元會充廷者凡三十二悉放荆山之陽

水真

臘國其境東西南北約員八百里東至奔陁浪洲西至

墮羅鉢底國南至小海北卽陸真臘其王所居城號婆

羅提拔國之東界有小城皆謂之國其國多象元和八

年遣李摩那等來朝

文單西北屬國曰參半武德八年使者來道明者亦屬國無衣服見

衣服者共笑之無鹽鐵以竹弩射鳥獸自給

陀洹國

一曰禡陀洹

在林邑西南大海中東南與墮和羅接

去交阯三月餘日行賓服於墮和羅其王姓察失利字

婆末婆那

新書名婆那字婆末

土無蠶桑以白氎朝霞布爲衣俗

皆樓居謂之干欄

親喪在室不食燔尸已則剔髮浴於池然後食

貞觀十八年

遣使來朝二十一年又遣使獻白鸚鵡

首有十冠毛齊於翅

及婆

律膏仍請馬及銅鍾並給之

訶陵國

亦曰社婆日闍婆

在南方海中洲上居東與婆利西與

墮婆登北與真臘接南臨大海監木爲城作大屋重閣

以椶櫚皮覆之王坐其中悉用象牙爲牀

王居闍婆城其祖吉延東

遷於婆露伽斯城旁小園二十八莫不臣服其官有三

十二大夫而大坐敢兄爲最貴山上有郎卑野州王常

登以望海夏至立八尺

表景在表南二尺四寸

食不用匙筋以手而撮亦有文

字頗識星厓出瑋瑁黃白金犀象國最富有穴自湧俗

以柳樹花爲酒其樹生花長三只餘大如人膊割之取

宿昔

汁以成酒味甘飲之亦醉貞觀十四年遣使來朝

上元間國人推女子爲王號悉莫威令整肅道不舉遺

大食君聞之齎金一囊置其郊行者輒避如是三年太

子過以足躡金悉莫怒將斬之羣臣固請悉莫曰而罪

實本於足可斷趾羣臣復爲請乃斬指以狗大食聞而

畏之不

大厓三年四月皆遣使朝貢

使者三至元和十年

新書

年遣使獻僧祇僮五

新書

人

五色

鸚鵡

頻伽

烏

并異種

名

寶以其使李訶內爲果毅

四門府左果毅

訶內請迴授其弟詔

褒而從之十三年遣使進僧祇女二人鸚鵡玳瑁及生

犀等

大和中再朝貢咸通中遣使獻女樂

墮和羅國

亦曰獨和羅

南與盤盤北與迦羅舍佛東與真臘

接西隣大海去廣州五月日行

國多美犀世謂墮和羅犀

貞觀十二

年其王遣使貢方物二十三年又遣使獻象牙火珠請

賜好馬詔許之

有二屬國曰曇陵陀洹曇陵在海洲中

墮婆登國在林邑南海行二月東與訶陵西與迷黎車

接北界大海風俗與訶陵畧同其國種稻每月一熟亦

有文字書之於貝多葉其死者口實以金又以金釧貫於四支然後加以婆律膏及龍腦等香積薪以燔之貞觀二十一年其王遣使獻古貝象牙白檀太宗璽書報之并賜以雜物

投和在真臘南自廣州西南海行百日乃至王姓投和羅名脯邪迄遙官有朝請將軍功曹主簿贊理贊府分領國事分州郡縣三等州有參軍郡有金威將軍縣有城有局長官得選僚屬自助民居率樓閣畫壁王宿衛百人衣朝霞耳金環金縷被頸寶飾革履頻盜者死次穿耳及頰而劓其髮盜鑄者截手無賦稅民以地多少

自輸王以農商自業銀作錢類榆莢民乘象及馬無鞍  
勒繩穿頰御之親喪斷髮爲孝焚尸歛灰於巽沈之水  
貞觀中遣使以黃金函內表并獻方物

瞻博或曰瞻婆北距兢伽河多野象羣行顯慶中與婆  
岸千支弗舍跋若磨臘四國並遣使者入朝千支在西  
南海中本南天竺屬國亦曰半支跋若唐言五山也北  
距多摩菟又有哥羅舍分脩羅分甘畢三國貢方物甘  
畢在南海上東距環王王名旃陀越摩有勝兵五千哥  
羅舍分者在南海南東墮和羅脩羅分者在海北東距  
真臘其風俗大畧相類有君長皆柵郭二國勝兵二萬



甘畢方五千又有多摩菴東距婆鳳西多隆南千支弗  
北訶陵地東西一月行南北二十五日行其王名骨利  
詭云得大卵剖之獲女子美色以爲妻俗無姓婚姻不  
別同姓王坐常東向勝兵二萬有弓刀甲稍無馬果有  
波那婆宅護遮菴摩石榴其國經薩盧都訶盧君那盧  
林邑諸國乃得交州顯慶中貢方物

室利佛逝一曰尸利佛誓過軍徒弄山二千里地東西  
千里南北四千里而遠有城十四以二國分總西曰耶  
婆露斯多金彘砂龍腦夏至立八尺表影在表南二尺  
五寸國多男子有橐它豹文而犀角以乘且耕名曰它

牛豹又有獸類野豕角如山羊名曰雩肉味美以饋膳  
其王號曷密多咸亨至開元間數遣使者朝表爲邊吏  
侵掠有詔廣州慰撫又獻侏儒僧祇女各二及歌舞官  
使者爲折衝以其王爲左威衛大將軍賜紫袍金鈿帶  
後遣子入獻詔宴於曲江宰相會冊封賓義王授左金  
吾衛大將軍還之

名蔑東接真陀桓西但游南屬海北波刺其地一月行  
有州三十以十二月爲歲首王衣朝霞氎賦二十取一  
交易皆用金準直其人短小兄弟共娶一妻婦總髮爲  
角辨夫之多少王號斯多題龍朔初使者來貢

單單在振州東南多羅磨之西亦有州縣木多白檀王  
姓刹利名尸陵伽日視事有八大臣號八坐王以香塗  
身冠雜寶瓔近行乘車遠乘象戰必吹蠡擊鼓盜無輕  
重皆死乾封總章時獻方物羅越者北距海五千里西  
南哥谷羅商賈往來所湊集俗與墮羅鉢底同歲乘船  
至廣州必以聞

東謝蠻其地在黔州之西數百里

三百里

南接守宮獠西

連夷子北至

缺文蠻千里

土宜五穀不以牛耕但爲畝田

每歲易俗無文字刻木爲契散在山洞間依樹爲層巢  
而居汲流以飲皆自營生業無賦稅之事謁見貴人皆

執鞭而拜有功勞者以牛馬銅鼓賞之有犯罪者小事杖罰之大事殺之盜物賠還其贓婚姻之禮以牛酒爲聘女歸夫家皆母自送之女夫慙逃避經旬乃出讌聚則擊銅鼓吹大角歌舞以爲樂好帶刀劍未嘗捨離丈夫衣服有衫襖大口袴以綿紬及布爲之右肩上斜束皮帶裝以螺殼虎豹猿狖及犬羊之皮以爲外飾坐皆蹲踞男女椎髻以緋束之後垂向下其首領謝元深旣世爲酋長其部落皆尊畏之謝氏一族法不育女自云高姓不可下嫁故也貞觀三年元深入朝冠烏熊皮若今之髦頭以金銀絡額身披毛帔爲皮行滕而著履中

書侍郎顏師古奏言昔周武王時天下太平遠國歸款  
周史乃書其事爲王會篇今萬國來朝至如此輩章服  
實可圖寫今請撰爲王會圖從之以其地爲應州仍拜  
元深爲刺史領黔州都督府又有南謝首領謝强與西  
謝隣共元深俱來朝見爲南壽州刺史後改爲莊州貞  
元十三年正月西南蕃大酋長正議大夫檢校蠻州長  
史繼襲蠻州刺史資陽郡開國公賜紫金魚袋宋鼎左  
右大首領朝散大夫前檢校邛州刺史賜紫金魚袋謝  
汕左右大首領繼襲攝蠻州巴江縣令賜紫金魚袋宋  
萬傳界首子弟大首領朝散大夫梓州錄事參軍謝文

經黔中經畧招討觀察使王礎奏前件刺史建中三年  
一度朝貢自後更不許隨例入朝今年懇訴稱州接牂  
牁同被聲教獨此排擯竊自慙耻謹遣隨牂牁等朝賀  
伏乞特賜優諭兼同牂牁刺史授官其牂牁兩州戶口  
殷盛人力强大隣側諸蕃悉皆敬憚請比兩州每三年

一度朝貢仍依牂牁輪環差定并以才幹位望爲衆推

者充敕旨曰宋鼎等已改官訖餘依舊

元和申辰淑登  
酉張伯靖嫉本

道督歛苛刻聚衆叛侵播費二州黔中經畧使崔能荆  
南節度使嚴綬湖南觀察使柳公綽討之三歲不能定  
伯靖上表請隸荆南乃降崔能內恨之更請調荆南湖  
南桂管軍爲援約西源十洞兵皆出可以成功公卿議  
者皆以爲便宰相李吉甫曰伯靖挾怨而叛壓以大兵  
而招之可不戰自定乃命能兵毋出獨認嚴綬招伯靖

率家屬詣江陵降授

右威翊府中郎將

西趙蠻在東謝之南其界東至夷子西至昆明南至西  
洱河山洞阻深莫知道里南北十八日行東西二十三  
日行其風俗物產與東謝同首領趙氏世爲酋長有戶  
萬餘貞觀三年遣使入朝二十一年以其地置明州以  
首領趙磨新書爲刺史夷子渠帥姓季氏與西趙皆南  
酋摩蠻別種勝兵各萬人自古未嘗  
通中國黔州豪帥田康諷  
之故貞觀中皆遣使入朝

松外蠻數十百部大者五六百戶小者二三百凡數十  
姓趙楊李董爲貴族皆擅山川不能相君長有城郭文  
字頗知陰陽麻數自夜郎滇池以西皆莊躋之裔有稻

麥粟豆絲麻薤蒜桃李以十二月爲歲首布幅廣七寸  
正月蠶生二月熟男子氈革爲帔女衣繩布裙衫髻盤  
如髻飯用竹筍搏而噉之烏杯貯羹如雞彝徒跣有舟  
無車死則坎地殯舍左屋之三年乃葬以蠶蚌封棺父  
母喪斬衰布衣不澡者四五年近者二三年爲人所殺  
者子以麻括髮墨面衣不緝居喪婚嫁不廢亦弗避同  
姓婿不親迎富室娶妻納金銀牛羊酒女所齋亦如之  
有罪者樹一長木擊鼓集衆其下強盜殺之富者貰死  
燒屋奪其田盜者倍九而償賊姦淫則強族輸金銀請  
和而棄其妻處女嫠婦不坐凡相殺必報力不能則其



部助攻之祭祀殺牛馬親聯畢會助以牛酒多至數百人貞觀中儻州都督劉伯英上疏松外諸蠻率暫附亟叛請擊之西洱河天竺道可通也居數歲太宗以右武侯將軍梁建方發蜀十二州兵進討酋帥雙舍拒戰敗走殺獲十餘萬羣蠻震駭走保山谷建方諭降者七十餘部戶十萬九千署首領蒙和爲縣令餘衆感悅西洱河蠻亦曰河蠻道由郎州走三千里建方遣奇兵自儻州道千五百里掩之其帥楊盛大駭欲遁去使者好語約降乃遣首領十人納款軍門建方振旅還二十三年西洱河大首領楊同外東洱河大首領楊欽松外首領

蒙羽皆入朝授官秩顯慶元年西洱大首領楊棟附顯和蠻大首領王羅祁郎昆黎盤四州大首領王伽衝率部落四千人歸附入朝貢方物其後茂州西南築安戎城絕吐蕃通蠻之道生羌爲吐蕃鄉導攻拔之增兵以守西洱河諸蠻皆臣吐蕃開元中首領始入朝授刺史會南詔蒙歸義拔大和城乃北徙更羈制於浪穹詔浪穹詔已破又徙雲南柘城黎州領羈縻奉上等州二十六開元十七年又領羈縻夏梁卜貴等州三十一南路有廓清道部落主三人婆鹽鬼主十人又有阿逼蠻分十四部落一曰大龍池二曰小龍池三曰控四曰苴質

五曰烏披六曰苴賃七曰躡築水八曰戎列九曰婆狄  
十曰石地十一曰羅公十二曰說十三曰離旻十四曰  
里漢黎邛二州之東又有凌蠻西有三王蠻蓋祚都夷  
白馬氏之遺種楊劉郝三姓世爲長襲封王謂之三王  
部落疊甃而居號獠舍歲廩節度府帛三千匹以訶南  
詔南詔亦密賂之覘成都虛實每節度使至酋長來謁  
節度使多奏威惠所懷以罔天子也前謁必請於都押衙  
且聽命都押衙不令者輒諷其叛常倚三王部落求姑  
息至唐末益甚雅州西有通吐蕃道三曰夏陽曰夔松  
曰始陽皆諸蠻錯居凡部落四十六距州三百餘里之

外有百坡當品嚴城中川鉗矣昌逼鉗井七部落四百餘里之外有羅巖當馬三井束鋒名耶鉗恭畫重羅林籠羊林波林燒龍逢索古敢川驚川禍眉不燭十七部落五百餘里之外有諾祚三恭布嵐欠馬論川讓川遠南卑盧夔龍曜川金川東嘉梁西嘉梁十三部落六百餘里之外有椎梅作重禍林金林邏蓬五部落皆羈縻州也以首領襲刺史嚮州新安城傍有六姓蠻一曰蒙蠻二曰夷蠻三曰訛蠻四曰狼蠻餘勿鄧及白蠻也戎州管內有馴騁浪三州大鬼主董嘉慶累世內附以忠謹稱封歸義郡王貞元中狼蠻亦請內附補首領狼沙

爲刺史然卒不出劍南西川節度使韋臯檄嘉慶兼押  
狼蠻又有魯望等部落徙居戎州馬鞍山臯以其遠邊  
徼戶給米二斛鹽五斤北又有浪稽蠻羅哥谷蠻東有  
婆秋蠻烏皮蠻南有離東蠻鍋銼蠻西有磨些蠻與南  
詔越析相姻婭自浪稽以下古滇王哀牢雜種其地與  
吐蕃接亦有姐羌古白馬氏之裔劍山當吐蕃大路屬  
石門柳疆二鎮置戍守捉以招討使領五部落一曰彌  
羌二曰鑠羌三曰胡叢其餘東欽磨些也又有夷望鼓  
路西望安樂湯谷佛蠻虧野阿醯阿鷄鉀蠻林井阿異  
十二鬼主皆隸雋州又有奉國苴伽十一部落春秋受

賞於嚮州然挾吐蕃爲輕重每節度使至諸部獻馬酋  
長衣虎皮餘皆紅髯束髮錦纈襖半臂旣見請匹錦斗  
酒折草招父祖魂以歸鄉里及還畏錦植馬上而去又  
有顯養東曾諸蠻永徽三年與胡叢皆叛高宗以右驍  
衛將軍曹繼叔爲嚮州道行軍總管戰斜山拔十餘城  
斬首七百獲馬犛牛萬五千姚州境有永昌蠻居古永  
昌郡地咸亨五年叛高宗以太子右衛副率梁積壽爲  
姚州道行軍總管討平之武后天授中遣御史裴懷古  
招懷至長壽時大首領董期率部落二萬內屬其西有  
撲子蠻趨悍以青娑羅爲通身袴善用竹弓入林射飛

鼠無不中無食器以蕉葉藉之人多長大負排持稍而鬪又有望蠻者用木弓短箭鏃傳毒藥中者立死婦人食乳酪肥白跣足青布爲衫裳聯貫珂貝珠絡之髻垂於後有夫者分兩髻羣蠻種類多不可記有黑齒金齒銀齒三種見人以漆及鏤金銀飾齒寢食則去之直頂爲髻青布爲通袴有繡脚種刻踝至腓爲文有繡面種生踰月涅黛於面有雕題種身面涅黛有穿鼻種以金環徑尺貫其鼻下垂過頤君長以絲係環人牽乃行其次以二花頭金釘貫鼻下出又有長髻種棟鋒種皆額前爲長髻下過臍行以物舉之君長則二女在前共舉

其髻乃行安南有生蠻林覩符部落大厓中置德化州  
戶一萬又以潘歸國部落置龍武州戶千五百詔安南  
節度使綏定之貞元七年始以驩峯二州爲都督府驩  
在安南限重海與文單占婆接峯統羈縻州十八與蜀  
巽蠻接

牂牁蠻首領亦姓謝氏其地北去兖州

案新書地理志當作兖注同

一百五十里

別部曰兖州蠻勝兵二萬武德三年來朝貢以地爲兖州

東至辰州二

千四百里南至交州一千五百里西至昆明九百里無  
城壁散爲部落而居土氣鬱熱多霖雨稻粟再熟無徭  
役唯征戰之時乃相屯聚刻木爲契其法劫盜者二

新書



三 倍還贓殺人者出牛馬三十頭乃得贖死以納死家

風俗物產畧與東謝同其首領謝龍羽大業末據其地

勝兵數萬人武德三年遣使朝貢授龍羽牂州刺史封

夜郎郡公貞觀四年十二月遣使朝貢開元十年閏五

月大酋長謝元齊死詔立其嫡孫嘉藝襲其官封其後乃以

趙氏爲酋長 二十五年大酋長趙君道來朝且獻方物其裔有趙

國珍天寶中有戰功閻羅鳳叛宰相楊國忠兼劍南節

度使以國珍有方畧授黔中都督屢敗南詔護五溪十

餘年天下方亂其部大厯中貞元初數遣使朝貢七年

二月授其酋長趙主俗官以其歲初朝貢不絕褒之也

自七年至十八年凡五遣使來元和三年

新書

五月敕

自今以後委黔南觀察使差本道軍將克押領牂牁昆  
明等使四年正月遣使來朝是月遣中使魏德和領其  
使并賫國信物降璽書賜其王焉七年九年十一年凡  
三遣使來其年十二月又遣使來賀正長慶中亦朝貢  
不絕寶曆元年十二月遣使謝良震來朝大和五年至

會昌二年凡七遣使來

故事戎夷朝貢將至都中官  
驛勞於郊旣及館恩禮尤渥

兩爨蠻自曲州靖州西南昆川曲軌晉寧喻獻安寧距  
龍和城通謂之西爨白蠻自彌鹿升麻二川南至步頭  
謂之東爨烏蠻西爨自云本安邑人七世祖晉南寧大  
守中國亂遂王蠻中梁元帝時南寧州刺史徐文盛召

詣荊州有爨瓚者據其地延袤二千餘里土多駿馬犀象明珠既死子震翫分統其衆隋開皇初遣使朝貢命韋世冲以兵戍之置恭州協州昆州未幾叛史萬歲擊之至西洱河滇池而還震翫懼而入朝文帝誅之諸子沒爲奴高祖卽位以其子宏達爲昆州刺史奉父喪歸而益州刺史段綸遣俞大施至南寧治其範川誘諸部皆納款貢方物太宗遣將擊西爨開青蛉弄棟爲縣巽蠻之西有徒莫祗蠻儉望蠻貞觀二十三年內屬以其地爲傍望覽邱求五州隸郎州都督府白水蠻地與青蛉弄棟接郎州亦隸弄棟西有大勃弄小勃弄二川蠻

其西與黃瓜葉榆西洱河接其衆完富與蜀埒無酋長  
喜相讐怨永徽初大勃弄楊承顛私署將帥寇麻州都督  
任懷玉招之不聽高宗以左領軍將軍趙孝祖爲郎州  
道行軍總管與懷玉討之至羅佉侯山其酋禿磨蒲與  
大鬼主都干以衆塞箐口孝祖大破之夷人尙鬼謂主  
祭者爲鬼主每歲戶出一牛或一羊就其家祭之送鬼  
迎鬼必有兵因以復仇云孝祖按軍多棄城逐北至周  
近水大酋儉彌干鬼主董朴瀕水爲柵以輕騎逆戰孝  
祖擊斬彌干禿磨蒲鬼主十餘級會大雪輒凍死者畧  
盡孝祖上言小勃弄大勃弄常誘弄棟叛今因破白水

請遂西討詔可孝祖軍入夷人皆走險小勃弄酋長歿  
盛屯白旗城率萬騎戰敗斬之進至大勃弄楊承顛嬰  
城守孝祖招之不從麾軍進執承顛餘屯大者數萬小  
數千皆破降之西南夷遂定罷郎州都督更置戎州都  
督爨宏達旣死以爨歸王爲南寧州都督居石城襲殺  
東爨首領蓋騁及子蓋啟徙共範川有兩爨大鬼主崇  
道者與弟日進日用居安寧城左聞章仇兼瓊開步頭  
路築安寧城羣蠻震騷共殺築城使者元宗詔蒙歸義  
討之師次波州歸王及崇道兄弟千餘人泥首謝罪赦  
之俄而崇道殺日進及歸王歸王妻阿吒烏蠻女也走

父部乞兵相仇於是諸爨亂阿吒遣使詣歸義求殺夫者書聞詔以其子守隅爲南寧州都督歸義以女妻之又以一女妻崇道子輔朝然崇道守隅相攻不置阿吒訴歸義爲興師營昆川崇道走黎州虜其族殺輔朝收其女崇道俄亦被殺諸爨稍離弱閭羅鳳立召守隅并妻歸河睽不通中國阿吒自主其部落歲入朝恩賞蕃厚閭羅鳳遣昆川城使楊牟利以兵脇西爨徙戶二十餘萬於永昌城東爨以言語不通多散依林谷得不徙自曲靖州石城升麻昆川南北至龍和皆殘於兵日進等子孫居永昌城烏蠻種復振徙居西爨故地與峯州

爲鄰貞元中置都督府領羈縻州十八烏蠻與南詔世爲  
婚姻其種分七部落一曰阿芋路居曲州靖州故地二  
曰阿猛三曰夔山四曰暴蠻五曰盧鹿蠻二部落分保  
竹子嶺六曰磨彌歛七曰勿鄧土多牛馬無布帛男子  
髻髻女人被髮皆衣牛羊皮俗尙巫鬼無拜跪之節其  
語四譯乃與中國通大部落有大鬼主百家則置小鬼  
主勿鄧地方千里有邛部六姓一姓白蠻也五姓烏蠻  
也又有初裏五姓皆烏蠻也居邛部臺登之間婦人衣  
黑繒其長曳地又有東欽蠻二姓皆白蠻也居北谷婦  
人衣白繒長不過膝又有粟蠻二姓雷蠻二姓夢蠻三

姓散處黎嶠戎數州之鄙皆隸勿鄧勿鄧南七十里有  
兩林部落有十低三姓阿屯三姓虧望三姓隸焉其南  
有豐琶部落阿諾二姓隸焉兩林地雖陜而諸部推爲  
長號都大鬼主勿鄧豐琶兩林皆謂之東蠻天寶中皆  
受封爵及南詔陷嶠州遂羈屬吐蕃貞元中復通款以  
勿鄧大鬼主苴嵩兼邛部團練使封長川郡公及死子  
苴驃離幼以苴夢衝爲大鬼主數爲吐蕃侵獵兩林都  
大鬼主苴那時遺韋臯書乞兵攻吐蕃臯遣將劉朝彩  
出銅山道吳鳴鶴出清溪關道鄧英俊出定蕃柵道進  
逼臺登城吐蕃退壁西貢川據高爲營苴那時戰甚力



分兵大破吐蕃青海臘城二節度軍於北谷青海大兵馬使乞藏遮遮臘城兵馬使悉多楊朱節度論東柴大將論結突梨等皆戰死執籠官四十五人鎧仗一萬牛馬稱是進拔于葱柵乞藏遮遮尙結贊子也以尸還其下曩貢節度蘇論百餘人行哭使一人立尸左一人問之曰瘡痛乎曰然卽傳藥曰食乎曰然卽進膳曰衣乎曰然卽命裘又問歸乎曰然以馬載尸而去詔封苴那時爲順政郡王苴夢衝爲懷化郡王豐琶部落大鬼主驃傍爲和義郡王給印章袍帶三王皆入朝宴麟德殿賞賚加等歲給其部祿鹽衣綵黎嚮二州更就賜之以

山阻多爲盜侵亡失所賜臯令二州爲築館有賜約酋  
長自至授賜而遣之然苴夢衝內附吐蕃斷南詔使路  
臯遣儂州總管蘇崑以兵三百召夢衝至琵琶州聲其  
罪斬之披其族爲六部以樣棄主之及苴驃離長乃命  
爲大鬼主驃傍年少驍敢數出兵攻吐蕃吐蕃間道焚  
其居室部落亡所賜印章臯爲請復得印爨蠻西有昆  
明蠻一曰昆彌以西洱河爲境卽葉榆河也距京師九  
千里土畝濕宜秔稻人辨首左衽與突厥同隨水草畜  
牧夏處高山冬入深谷尙戰死惡病亡勝兵數萬武德  
中儂州治中吉偉使南寧因至其國諭使入朝貢求內

屬發兵戍守自是歲與牂牁使偕來龍朔三年矩州刺史謝法成招慰比樓等七千戶內附總章三年置祿州湯望州咸亨三年昆明十四姓率戶二萬內附析其地爲殷州總州敦州以安輯之殷州居戎州西北總州居西南敦州居南遠不過五百餘里近三百里其後又置盤麻等四十一州皆以首領爲刺史昆明東九百里卽牂牁國也兵數出侵地數千里元和八年上表請盡歸牂牁故地開成元年鬼主阿珮內屬會昌中封其別帥爲羅殿王世襲爵其後又封別帥爲滇王皆牂牁蠻也南平獠者東與智州南與渝州西與南州北與涪州接

部落四千餘戶土氣多瘴癘山有毒草及沙虱蝮蛇人  
並樓居登梯而上號爲干欄男子左衽露髮徒跣婦人  
橫布兩幅穿中而貫其首名爲通裙其人美髮爲髻鬢  
垂於後以竹筒如筆長三四寸斜貫其耳貴者亦有珠  
璫土多女少男爲婚之法女氏必先貨求男族貧人無  
以嫁女多賣與富人爲婢俗皆婦人執役其王姓朱氏  
號爲劔荔王

貞觀三年

遣使內附以其地隸於渝州

飛頭獠者頭欲飛周項有痕如縷妻子共守之及夜如病  
頭忽亡比旦還又有烏武獠地多瘴毒中者不能飲藥故  
自鑿齒有甯氏世爲南平渠帥陳末以其帥猛力爲寧越

太守陳亡自以爲與陳叔寶同日而生當代爲天子乃不入朝隋兵阻瘴不能進猛力死子長真襲刺史及討林邑長真出兵攻其後又率部落數千從征遼東煬帝召爲鴻臚卿授安撫大使遣還又以其族人寧宣爲合浦太守隋亂皆以地附蕭銑長真部越兵攻邱和於交阯者也武德初以寧越鬱林之地降自是交愛數州始通高祖授長真欽州都督寧宣亦遣使請降未報而卒以其子純爲廉州刺史族人道明爲南越州刺史六年長真獻大珠昆州刺史沈遜融州刺史歐陽世普象州刺史秦元覽亦獻筒布高祖以道遠勞人皆不受道明與高州首領馮暄談殿據南

越州反攻姜州寧純以兵援之八年長真陷封山縣昌  
州刺史龐孝恭拑擊暄等走之明年道明爲州人所殺  
未幾長真死子據襲刺史馮暄談殿阻兵相掠羣臣請  
擊之太宗不許遣員外散騎常侍韋叔諧員外散騎侍  
郎李公淹持節宣諭暄等與溪洞首領皆降南方遂定  
大抵劍南諸獠武德貞觀間數寇暴州縣者不一巴州  
山獠王多馨叛梁州都督龐玉梟其首又破餘黨符陽  
白石二縣獠其後眉州獠反益州行臺郭行方大破之  
未幾又破洪雅二州獠俘男女五千口是歲益州獠亦  
反都督竇軌請擊之太宗報曰獠依山險當拊以恩信

脅之以兵威豈爲人父母意邪貞觀七年東西玉洞獠反以右屯衛大將軍張士貴爲龔州道行軍總管平之十二年巫州獠叛夔州都督齊善行擊破之俘男女三千餘口鈞州獠叛桂州都督張寶德討平之明州山獠又叛交州都督李道彥擊走之是歲巴洋集壁四州山獠叛攻巴州遣右武侯將軍上官懷仁破之於壁州虜男女萬餘明年遂平十四年羅竇諸獠叛以廣州都督党仁宏爲賓州道行軍總管擊之虜男女七千餘人太宗再伐高麗爲船劍南諸獠皆半役雅邛眉三州獠不堪其擾相率叛詔發隴右峽兵二萬以茂州都督張士

貴爲雅州道行軍總管與右衛將軍梁建方平之高宗  
初琰州獠叛梓州都督謝萬歲兗州刺史謝法興黔州  
都督李孟嘗討之萬歲法興入洞招慰遇害顯慶三年  
羅竇生獠首領多胡桑率衆內附上元末納州獠叛寇  
故茂都掌二縣殺吏民焚廨舍詔黔州都督發兵擊之  
大厯二年桂州山獠叛陷州刺史李良遁去貞元中嘉  
州綏山縣婆籠川生獠首領甫枳兄弟誘生蠻爲亂剽  
居人西川節度使韋臯斬之招其首領勇于等出降或  
請增柵東凌界以守臯不從曰無戎而城害所生也獠  
亦自是不擾境戎瀘間有葛獠居依山谷林箐踰數百



里俗喜叛州縣撫視不至必合黨數千人持排而戰奉  
酋帥爲王號曰婆能出入前後植旗大中末昌濶二州  
刺史貪沓以弱繒及羊強獠市米麥一斛得直不及半  
羣獠訴曰當爲賊取死耳刺史召二小吏榜之曰皆爾  
屬爲之非吾過獠相視大笑遂叛立酋長始艾爲王踰  
梓潼所過焚剽刺史劉成師誘降其黨斬首領七十餘  
人餘衆遁至東川節度使柳仲郢諭降之始艾稽首請  
罪仲郢貰遣之成都西北二千餘里有附國蓋漢西南  
夷也其東部有嘉良夷無姓氏地縱八百里橫四千五  
百里無城柵居川谷疊石爲巢高十餘丈以高下爲差

作狹戶自內以通上王酋帥以金飾首胸垂金花徑三寸地高涼多風少雨宜小麥多白雉嘉良夷有水廣三十步附國水廣五十步皆南流以韋爲船附國南有薄緣夷西接女國三濮者在雲南徼外千五百里有文面濮俗鏤面以青涅之赤口濮裸身而折齒剗其脣使赤黑熨濮山居如人以幅布爲褰貫頭而繫之丈夫衣穀皮多白蹄牛虎魄龍朔中遣使與千支弗磨臘同朝貢東女國西羌之別種亦曰蘇伐刺罕羅以西海中復有女國故稱東女焉俗以女爲王東與茂州党項接西屬三波

訶北距于闐

東南與雅州接界隔羅女蠻及白狼夷其境東

西九日行南北二十日行有大小八十餘城其王所居名康延川中有弱水南流用牛皮爲船以渡戶四萬餘衆勝兵萬餘人散在山谷間女王號爲賓就有女官曰高霸黎平議國事

猶言宰相也

在外官僚並男夫爲之

凡號令女

官自內傳男官受而行

其王侍女數百人五日一聽政女王若死

國中多斂金錢動至數萬更於王族求令女二人而立之大者爲王其次爲小王若大王死卽小王嗣立或姑死而婦繼無有篡奪其所居皆起重屋王至九層國人至六層其王服青毛綾裙下領衫上披青袍其袖委地冬則羔裘飾以紋錦爲小鬟髻飾之以金耳垂瑞足履

鞞鞞鞞鞞履也

俗重婦人而輕丈夫

女貴者咸有侍男被髮以青塗面惟務戰與耕

而已子從母姓

文字同於天竺以十一月爲正

地寒宜麥畜羊馬出黃金其

俗每至十月令巫者齋楮詣山中散糟麥於空大呪呼鳥俄而有鳥如鷄飛入巫者之懷因剖腹而視之每有一穀來歲必登若有霜雪必多災異其俗信之名爲鳥卜其居喪服飾不改爲父母則三年不櫛沐貴人死者或剝其皮而藏之內骨於瓶中糝以金屑而埋之國王將葬其大臣親屬狗死者數十人隋大業中蜀王秀遣使招之拒而不受武德中女王湯滂氏始遣使貢方物高祖厚資而遣之還至隴右會突厥入寇被掠於虜庭

及頡利平其使復來入朝太宗送令反國并降璽書慰

撫之

顯慶初遣使高霸黎文與王子三盧來朝授右監門中郎將

垂拱二年其王歛

臂遣大臣湯劔左來朝仍請官號則天冊拜歛臂爲左

玉鈴衛員外將軍仍以瑞錦製蕃服以賜之天授三年

其王俄琰兒來朝萬歲通天元年遣使來朝開元二十

九年十二月其王趙叟夫遣子獻方物天寶元年命有

司宴於曲江令宰臣已下同宴又封叟夫爲歸昌王授

左金吾衛大將軍賜其子帛八十疋放還後復以男子

爲王貞元九年七月其王湯立悉與哥隣國王董卧庭

白狗國王羅陁忽逋租國王弟鄧吉知南水國王姪薛

新書

薛 尚悉曩弱水國王董辟和悉董國王湯息贊清遠

國王蘇唐磨咄霸國王董藐蓬各率其種落詣劔南西川內附其哥隣國等皆散居山川弱水王卽國初女國之弱水部落其悉董國在弱水西故亦謂之弱水西悉董王舊皆分隸邊郡祖父例授將軍中郎果毅等官自中原多故皆爲吐蕃所役屬其部落大者不過三二千戶各置縣令十數人理之土有絲絮歲輸於吐蕃至是悉與之同盟相率獻款兼賫天寶中國家所賜官誥共三十九通以進西川節度使韋臯處其衆於維霸保等州給以種糧耕牛咸樂生業立悉等數國王自來朝召

見於麟德殿授立悉銀青光祿大夫歸化州刺史鄧吉  
知試太府少卿兼丹州長史薛尙悉曩試少府少監兼  
霸州長史董卧庭行至綿州卒贈武德州刺史命其子  
利囉爲寶寧都督府長史襲哥隣王立悉妹乞悉漫頗  
有才智從其兄來朝封和義郡夫人其大首領董卧卿  
等皆授以官俄又授女國王兄湯厥銀青光祿大夫試  
太府卿清遠王弟蘇歷顛銀青光祿大夫試衛尉卿南  
國王薛莫庭及湯息贊董藐蓬女國唱後湯佛庭美王  
鉢南郎唐並授銀青光祿大夫試太僕卿其年西山松  
州生羌等二萬餘戶相繼內附其黏信部落主董夢葱

龍諾部落主董辟忽皆授試衛尉卿立悉等並赴明年  
元會訖錫以金帛各遣還尋詔加韋臯統押近界羌蠻  
及西山八國使其部落代襲刺史等官然亦潛通吐蕃  
故謂之兩面羌

南詔蠻

或曰鶴拓曰龍尾  
曰苴咩曰陽劍

本烏蠻之別種也姓蒙氏蠻

謂王爲詔自言哀牢之後代居蒙舍州爲渠帥在漢永

昌故郡東姚州之西其先渠帥有六自號六詔

曰蒙巋  
詔越折

詔浪穹詔澄  
施浪詔蒙舍詔

兵力相埒各有君長無統帥蜀時爲

諸葛亮所征皆臣服之

蒙舍詔在諸部南故稱南詔居  
永昌姚州之間鐵橋之南東距

爨東南屬交趾西摩伽陀西北與吐蕃接南女王西南  
驛北抵益州東北際黔巫王都羊苴咩城別都曰善闡



府王坐東嚮其臣有所陳以狀言而不稱臣王自稱曰  
元猶朕也謂其下曰昶猶卿爾也官曰坦緯曰布燮曰  
久贊謂之清平官所以決國事輕重猶唐宰相也曰酉  
望曰正酉望曰員外酉望曰大將軍曰員外猶試官也  
幕爽主兵琮爽主戶籍慈爽主禮罰爽主刑勸爽主官  
人厥爽主工館萬爽主財用引爽主客禾爽主商賈皆  
清平官酋望大將軍兼之爽猶言省也督爽總三省也  
乞託主馬祿託主牛巨託主倉廩亦清平官酋望大將  
軍兼之曰爽酋曰彌勤曰勤齊掌賦稅曰兵孺司掌機  
密大府主將曰演習副曰演覽中府主將曰繕裔副曰  
繕覽下府主將曰澹酋副曰澹覽小府主將曰幕搗副  
曰幕覽府有陀酋若管記有陀西若判官大抵如此凡  
調發下文書衆邑必占其期百家有總佐一千家有治  
人官一萬家有都督一凡田五畝曰雙上官授田四十  
雙上戶三十雙以是而差壯者皆爲戰卒有馬爲騎軍  
人歲給韋衫袴以邑落遠近分四軍以旗幟別四方而  
一將統千人四軍置一將凡敵入境以所入面將禦之  
王親兵曰朱駕佞直佞直草帶也擇鄉兵爲四軍羅首  
子戴朱鞮鍪負犀革銅盾而跪走險如飛百人置羅首  
子統一人望苴蠻者在蘭蒼江西男女勇捷不鞍而騎

善用子劍短甲蔽胸腹鞬蓋皆插貓牛尾馳突若神凡  
兵出以望苴子前驅以清平子弟爲羽儀王左右有羽  
儀長八人清平官見王不得佩劍唯羽儀長佩之爲親  
信有六曹長曹長有功補大軍將大軍將十二與清平  
官等列日議事王所出治軍壁稱節度次補清平官有  
內算官代王裁處外算官記王所處分以付六曹外則  
有六節度日弄棟禾昌銀生劍川拓東麗水有二都督  
會川通海有十驗夷語驗若州曰雲南驗白厓驗亦曰  
勃弄驗品澹驗滄川驗蒙舍驗大釐驗亦曰史驗苴咩  
驗亦曰湯驗蒙秦驗大和驗趙川驗祁鮮山之西多瘴  
敵地平草冬不枯自由靖州至滇池人水耕食蠶以拓  
蠶生閱二旬而蠶織錦縑精緻大和祁鮮而西人不蠶  
剖波羅樹實狀若絮紐縷而幅之覽驗井產鹽不征羣蠻  
惟王得食取足輒滅竈昆明城諸井皆產鹽不征羣蠻  
食之永昌之西野桑生石上其材上屈兩向而下植取  
以爲弓不筋漆而利名曰暝弓長川諸山往往有金或  
披沙得之麗水多金麩越睽之西多薦草產善馬世稱  
越睽駿始生若羔歲中紐莎糜之飲以米潘七年可御  
日馳數百里王出建入旗紫若青白旂二有旄鉞  
紫囊之翠蓋王母曰信麼亦曰九麼妃曰進武信麼出

亦建八旗絳旂自曹長以降繫金佉苴尙絳紫有功加

錦又有功加金波羅金波羅虎皮也功小者衿背不袖

次止於衿婦人不粉黛以蘇澤髮貴者綾錦裙襦上施

錦一幅以兩股辮爲髮髻耳綴珠貝瑟瑟虎魄女婺婦

與人亂不禁婚夕私相送已嫁有姦者皆抵死俗以寅

爲正四時大抵與中國小差膾魚寸以胡瓜椒菽和之

號鵝闕吹瓢笙笙四管酒至客前以笙推盞勸酬以繪

帛及貝市易貝者大若指十六枚爲一覓師行人齋糧

斗五升以二千五百人爲一營其法前傷者養治後傷

者斬犁田以一千五百夫前一挽中壓後驅然專於農無貴

賤皆耕不繇役人歲輸米二國初有蒙舍龍以名相屬自

斗一藝者給田二收乃稅

蒙舍以來有

譜次可考

生迦獨龐

新書名

迦獨生細奴邏

新書獨邏

亦曰細奴

武后時來

朝其妻方娠

邏盛次姚州

聞妻生子曰

吾且有子死

於

唐地足矣子

名曰盛邏皮

邏盛至京師

賜錦袍金帶

歸

國開元初邏盛死

長子炎閣立死弟盛邏皮立

子盛邏皮立盛邏皮

死子皮邏閣立二十六年詔授特進封越國公

新書臺登郡王

賜名曰歸義

炎閣未有子時以閣羅鳳爲嗣及生子還其宗而名承閣遂不改開元末皮邏閣逐

河蠻取大和城又襲大鰲城守之因城龍口夷語山陂陀爲和故謂大和以處閣羅鳳

其後破洱

河蠻以功策授雲南王

賜錦袍金鈿帶七事

歸義漸強盛餘五詔

浸弱先是劔南節度使王昱受歸義賂奏六詔合爲一

詔歸義旣併五詔服羣蠻破吐蕃之衆兵日以驕大每

入覲朝廷亦加禮異二十七年徙居大和城天寶四載

歸義遣孫鳳迦異來朝授鴻臚卿歸國恩賜甚厚歸義

意望亦高時劔南節度使章仇兼瓊遣使至雲南與歸

義言語不相得歸義常銜之七年歸義卒詔立子閣羅

鳳襲雲南王

以其子鳳迦異爲陽瓜州刺史初安寧城有五鹽井人得煮鬻自給元宗詔特進何

履光以兵定南詔境取安寧城及井復立馬援銅柱乃還無何鮮于仲通爲劔南節

度使張虔陀爲雲南太守仲通褊急寡謀虔陀矯詐待

之不以禮舊事南詔常與其妻子謁見都督虔陀皆私

之有所徵求閣羅鳳多不應虔陀遣人罵辱之仍密奏

其罪惡閣羅鳳忿怨因發兵反攻圍虔陀殺之

取姚州及小夷

州凡三十二

時天寶九載也明年仲通率兵出戎嶠州

次曲州靖州

閣羅鳳遣使謝罪仍與雲南錄事參軍姜如芝

俱來請還其所虜掠

且姚州

且言吐蕃大兵壓境若不許

當歸命吐蕃雲南之地非唐所有也仲通不許囚其使

進軍逼大和城

新書白崖城

爲南詔所敗

閣羅鳳歛戰齒築京觀

自是

閣羅鳳北臣吐蕃吐蕃令閣羅鳳爲贊普鍾號曰東帝

給以金印蠻謂弟爲鍾

揭碑國門明不得已而叛嘗曰我上世世奉中國累封賞後嗣

容歸之若唐使者至可指碑操祓吾罪也

時天寶十一載也十二載劔南節

度使楊國忠執國政仍奏徵天下兵俾留後侍御史李

宓將十餘萬輦餉者在外涉海瘴死者相屬於路天下

始騷然苦之宓復敗於大和城北死者十八九會安祿

山反閣羅鳳乘釁攻陷雋州及會同軍西復降尋傳蠻

據

溪關以破越析梟于贈西而降尋傳驃諸國尋傳蠻者俗無絲纊跣履榛棘不苦也射豪豬生食其肉戰以竹

籠頭如兜鍪其西有裸蠻亦曰野蠻漫散山中無君長  
作檻舍以居男少女多無田農以木皮蔽形婦或十或  
五共養一男子廣德初鳳迦異築拓東城諸葛亮石  
刻故在文曰碑卽仆蠻爲漢奴夷畏誓常以石指搥大

麻十四年閻羅鳳子鳳迦異先閻羅鳳死立迦異子是

爲異牟尋

母李獨錦蠻女也獨錦蠻亦烏蠻種在秦藏  
川南天寶中命其長爲蹄州刺史世與南詔

聘頗知書有才智善撫其衆

異牟尋立悉衆二十萬入  
寇與吐蕃併力一趨茂州

踰文川擾灌口一趨扶文掠方維白垠一侵黎雅叩邛

邛關令其下曰爲我取蜀爲東府工技悉送羅娑城歲

賦一縑於是進陷城聚人率走山德宗發禁衛及兩州

軍以援東川與山南兵合大敗異牟尋衆斬首六千級

禽生捕傷甚衆顛踣厓峭且十萬異牟尋懼吐蕃役賦

更徙直咩城築袤十五里吐蕃封爲日東王

南蠻重數又奪諸蠻險地立城堡歲徵兵以助鎮防牟

尋益厭苦之有鄭回者本相州人天寶中舉明經授

州西瀘縣令嶺州陷爲所虜閭羅鳳以回有儒學更名曰蠻利甚愛重之命教鳳迦異及異牟尋立又令教其子尋夢湊回久爲蠻師凡授學雖牟尋夢湊回得筆撻故牟尋以下皆嚴憚之蠻謂相爲清平官凡置六人牟尋以回爲清平官事皆資之秉政用事餘清平官五人事回卑謹或有過回輒撻之回嘗言於牟尋曰自昔南詔嘗款附中國中國尙禮義以惠養爲務無所求取今棄蕃歸唐無遠戍之勞重稅之困利莫大焉牟尋善其言謀內附者十餘年矣會劔南西川節度使韋臯招撫諸蠻苴烏星虜望等歸化微聞牟尋之意因令蠻寓書



於牟尋且招懷之時貞元四年也七年又遣間使持書  
喻之道出磨些蠻其魁主潛告吐蕃使至雲南吐蕃已  
知之令詰牟尋牟尋懼因給吐蕃曰唐使本蠻也韋臯  
許其求歸無他謀遂執送吐蕃吐蕃益疑之多召南詔  
大臣之子爲質牟尋愈怨九年四月牟尋乃與酋長定  
計遣使趙莫羅眉由兩川楊大和堅由黔中或由安南  
使凡三輩致書於韋臯各賫生金丹砂爲贄三分前臯  
所遺牟尋書各持其一爲信

趨成都遺臯帛書曰異牟尋世爲唐臣翼緣張虔陀

志在吞侮中使者至不爲澄雪舉部惶窘得生異計鮮于仲通比年舉兵故自新無由代祖棄背吐蕃欺孤背約神川都督論訥舌使浪人利羅式眩惑部姓發兵無時今十二年此一忍也天禍蕃庭降孽肅牆太子弟况

流竄近臣橫汗皆尚結贊陰計以行屠害平日功臣無  
一二在訥舌等皆冊封王小國奏請不合上達此二忍  
也又遣訥舌等逼城于鄙蔽邑不堪利羅式私取重賞  
部落皆驚此三忍也又利羅式罵使者曰滅子之將非  
我其誰子所富當爲我有此四忍也今吐蕃委利羅式  
甲士六十侍衛因知懷惡不謬此一難忍也吐蕃陰毒  
野心輒懷搏噬有如媼生實汗辱先人辜負部落此二  
難忍也往退渾王爲吐蕃所害孤遺受欺西山女王見  
奪其位拓拔首領並蒙誅刈僕因志忠身亦喪亡每慮  
一朝亦被此禍此三難忍也往朝廷降使招撫情心無  
二詔函信節皆送蕃庭雖知中夏至仁業爲蕃臣吞聲  
無訴此四難忍也會祖有寵先帝後嗣率蒙襲王人知  
禮樂本唐風化吐蕃詐給百情懷惡相戚異牟尋願竭  
誠日新歸欵天子請加戊劍南西山涇原等州安西鎮  
守揚兵四臨委回鶻諸國所在侵掠使吐蕃勢分力散  
不能爲強此西南隅不煩天兵可以立功云臯護送使  
者京

歲中三使皆至京師且曰牟尋請歸大國永爲藩  
國所獻生金以喻向北之意如金也丹砂示其赤心耳

上嘉之乃賜牟尋詔書因命韋臯遣使以觀其情臯遂命巡官崔佐時至牟尋所都陽苴咩城南去大和城十餘里東北至成都二千四百里東至安南如至成都通水陸行是時也吐蕃使數百人先佐時在南詔牟尋悉召諸種落與議歸化或未畢至未敢公言密令佐時稱牂牁使衣以牂牁服而入佐時不肯曰我大唐使安得服小夷之服牟尋不得已乃夜迎佐時設位陳燈燭佐時乃大宣詔書牟尋恐吐蕃知顧左右無色而業已歸唐久之獻歔流涕皆俯伏受命其明年正月異牟尋使其子閣勸及清平官等與佐時盟於點蒼山神祠盟書

一藏於神室一沈於西洱河一置祖廟一以進天子閣

勸卽尋夢湊也鄭回見佐時多所指導故佐時探得其

情乃請牟尋斬吐蕃使數人以示歸唐又得其吐蕃所

與金印牟尋遣佐時歸仍刻金契以獻閣勸賦詩以

餞之遣曹長段南羅趙牟尋乃去吐蕃所立帝號私於

佐時請復南詔舊名佐時與盟訖留二旬有六日而歸

初吐蕃因爭北庭與迴鶻大戰死傷頗衆乃徵兵於牟

尋須萬人牟尋既定計歸我欲因徵兵以襲之乃示寡

弱謂吐蕃曰蠻軍素少僅可發三千人吐蕃少之請益

至五千乃許牟尋遂遣兵五千人戍吐蕃乃自將數萬

踵其後晝夜兼行乘其無備大破吐蕃於神川遂斷鐵

橋遣使告捷且請韋臯使閱其所虜獲及城堡以取信

焉時韋臯上言牟尋收鐵橋已來城壘一十六擒其王

五人降其衆十餘萬遣弟湊羅棟清平官尹仇寬等二  
十七人入獻地圖方物請復號南

詔帝賜以祠部郎中兼御史中丞袁滋持節冊南詔成

賚有加少尹龐頤副之崔佐時爲判官俱仍賜牟尋印鑄用黃

文珍爲宣慰使劉幽巖爲判官仍賜牟尋印鑄用黃

金以銀爲窠文曰貞元冊南詔印滋至大和城異牟尋  
遣兄蒙細羅勿等以

良馬六十迎之金鑲玉珂兵振鐸夾路陳異牟尋金甲

蒙虎皮執雙鐸銷執矛千人衛大象十二引於前騎軍

徒軍以次列詰且授冊異牟尋率官屬北面立宣慰使

東向冊使南向乃讀詔冊相者引異牟尋去位歸受冊

印稽首再拜又授賜服備物退日開元天寶中其會祖

及祖皆蒙冊襲王自此五十年貞元皇帝洗痕錄功復

賜爵命子子孫孫永爲唐臣因大會其下享使者出銀平脫馬頭盤二謂滋曰此天寶時先君以鴻臚少卿宿衛皇帝所賜也有笛工歌女皆垂白示滋曰此先君歸國時皇帝賜胡部龜茲音聲二列今喪亡畧盡唯二人故在酒行異牟尋坐奉觴滋前滋受觴曰南詔當深思祖考成業抱忠竭誠永爲西南藩屏使後嗣有以不絕也異牟尋拜曰敢不承使者所命

先是韋臯奏南詔前遣清平官尹仇寬獻所受吐蕃印五二用黃金今賜請以黃金從蠻夷

所重傳示無窮從臯之請也十年八月遣使蒙湊羅棟

及尹仇寬來獻鐸槩浪人劍及吐蕃印八紐獻鐸槩浪劍鬱刃生

金瑟瑟牛黃琥珀甌紡絲象犀越聯統倫馬鐸鞞者狀如殘刃有孔旁達出麗水飾以金所擊無不洞夷人尤寶月以血祭之鬱刃鑄時以毒藥並治取迎躍如星者凡十年乃成淬以馬血以金犀飾鐸首傷人卽死浪人所鑄故亦名浪劍王湊羅棟牟尋之弟也錫賚甚厚以所佩者傳七世矣

尹仇寬爲檢校左散騎常侍餘各授官有差俄又封尹仇寬爲高溪郡王十一年三月遣清平官尹輔酋隨袁

滋來朝又得先沒蕃將衛景昇韓演等并南詔所獲吐

蕃將帥俘馘百人至京師異牟尋攻吐蕃復取昆明城

虜其王置白匡城因定磨些蠻隸昆山西巖故地破茫

蠻掠弄棟蠻漢裳蠻以實雲南東北施蠻者在鐵橋西

北居大施賧欽尋賧男子衣緇布女分髮直額爲一髻

垂後跣而衣皮順蠻本與施蠻雜居劍共諸川咩羅皮

鐸羅望旣失遼川浪穹奪劍共地由是徙鐵橋在劍賧

西北四百里號劍羌磨蠻些蠻與施順二蠻皆烏蠻種

居鐵橋大婆小婆三探覽昆池等州土多牛羊俗不頽

澤男女衣皮俗好飲酒歌舞茫蠻木關南種茫其君號

也或呼茫詔永昌之南有茫天連茫吐噶大賧茫昌茫

鮮茫施大抵皆其種樓居無城郭或漆齒或金齒衣青

布短袴露解以緇布綵腰出其後垂爲飾婦人披五色

婆羅籠象纒如牛養以耕弄棟蠻白蠻種也其部本

居弄棟縣鄙地昔爲襄州有首領爲刺史誤殺其參軍  
挈族北走後散居磨些江側故劍共諸川亦有之漢裳  
蠻本漢人部種在鐵橋惟湊羅棟歸國在道而卒贈右  
以朝霞纏頭餘尙同漢服

散騎常侍授尹輔酋檢校太子詹事兼御史中丞餘亦  
差次授官又降敕書賜異牟尋及子閣勸清平官鄭回  
尹仇寬等各一書書左列中書三官宣奉行復舊制也  
九月異牟尋遣使獻馬六十四匹十二年羣臯於雅州會  
野路招收得投降蠻首領高萬唐等六十九人戶約七  
千兼萬唐等先授吐蕃金字告身五十片十四年異牟  
尋遣酋望大將軍王邱各等賀正兼獻方物十五年異牟尋謀擊吐蕃以澧川寧北等城當寇路乃峭山深壑修戰備帝許出兵助力又請以大臣子弟質於臯臯辭固請乃盡



舍成都咸遣就學且言昆明嵩州與吐蕃接不先加兵  
爲虜所脅反爲我患請臯圖之時唐兵比歲屯京西朔  
方大峙糧欲南北並攻取故地然南方轉饑稽期兵不  
悉集是夏虜麥不熟疫癘仍興贊普死新君立臯揣虜  
未敢動乃勸異牟尋緩舉萬全愈於速而無功今境上  
兵十倍往歲且行營皆在嵩州扼西瀘吐蕃路昆明弄  
棟可以無虞異牟尋請期他年吐蕃大臣以歲在辰兵  
宜出謀襲南詔閔衆治道將以十月圍嵩州軍屯昆明  
凡八萬皆命一歲糧贊普以勇攘都羅爲都統遣尙乞  
力欺徐濫鏖屯西貢川異牟尋與臯相開臯命部將武  
免率弩士三千赴之亢榮朝以萬人屯黎州韋良金以  
二萬五千入屯嵩州約南詔有急皆進軍過俄準添城  
者南詔供饋吐蕃引衆五萬自襲貢川分二軍攻雲南  
一軍自諾濟城攻嵩州異牟尋畏東蠻磨些難測懼爲  
吐蕃鄉導欲先擊之臯報嵩州實往來道并蔽數州虜  
百計窺之故嚴兵以守屯壁相望糧械處處有之東蠻  
庸敢懷貳乎異牟尋乃檄東磨些諸蠻內糧城中不則  
悉燒之吐蕃駟城將楊萬波約降事洩吐蕃以兵五千  
守臯將擊破之萬波與龍官拔駟城以來徙其人二千  
於宿川臯將扶忠義又取末恭城俘繫牛羊千計贊普

大將旣煎讓律以兵距卜貢川一舍而屯國師馬定德  
率衆落出降西貢節度監軍野多輸煎者贊普乞力贊  
養子當從先贊普殉亦詣忠義降於是虜氣衰軍不振  
欺徐濫鑠至鐵橋南詔毒其水人多死乃徙納川壁而  
待是年虜霜雪早兵無功還期以明年吐蕃苦唐詔倚  
角亦不敢圖南詔臯令免按兵雋州節級鎮守雖南詔  
境亦所在屯戍吐蕃愆野戰數北乃屯三瀘水遣論妄  
熟誘瀘諸蠻復城悉攝悉攝吐蕃險要也蠻酋潛導  
南詔與臯部將杜毗羅狙擊十七年春夜絕瀘破虜屯  
斬五百級虜保鹿危山毗羅伏以待又戰虜大奔於時  
康黑衣大食等兵及吐蕃大酋皆降獲甲二萬首又合  
鬼主破虜於瀘西吐蕃君長共計不得雋州患未艾常  
爲兩頭蠻挾唐爲輕重謂南詔也會虜荐饑方葬贊普  
調飲煩至是大料兵率三戶出一卒虜法爲大調集又  
聞唐兵三萬入南詔乃大懼兵戍納川故洪諾濟臘聿  
賈五城欲悉師出西山劍山收雋州以絕南詔臯卽上  
言京右諸屯宜明斥埃蚤斂田邠隴焚萊可困虜入臯  
遣將邢毗以兵萬人屯南北路趙昱萬人戍黎雅州異  
牟尋謂臯曰虜聲取雋州實窺雲南請武免督軍進羊  
直泮若虜不出者請以來年二月深入時虜兵三萬攻

鹽州帝以虜多詐疑繼以大軍詔臯深鈔賊鄱分虜勢  
臯表賊精鎧多置南屯今向鹽夏非全軍欲掠河曲党  
項畜產耳俄聞虜破麟州臯督諸將分道出或自西山  
或由平夷或下隴陀和石門或徑神川納川與南詔會  
是時回鶻太原亦寧涇原軍獵其北劍南東川山南兵  
震其東鳳翔軍當其西蜀南詔深入克城七焚堡百五  
十所斬首萬級獲鎧械十五萬圍昆明維州不能克乃  
班師振武靈武兵破虜二萬涇原鳳翔軍敗虜原州惟  
南詔攻其腹心俘獲最多帝遣中人尹偕尉十九年正  
異牟尋而吐蕃盛屯昆明神川納川自守

月旦上御含元殿受南詔朝賀以其使楊鎮龍武爲試  
太僕少卿授黎州廓清道蠻首領襲恭化郡王劉志寧  
試太常卿二十年南詔遣使朝貢元和二年八月遣使  
鄧儂傳來朝授試殿中監三年十二月以異牟尋卒廢  
朝三日四年正月以太常少卿武少儀充弔祭使仍冊

牟尋之子驃信笮蒙閣

新書名尋閣勸或謂夢濼自稱驃信夷語君也

敕爲南

詔仍命鑄元和冊南詔印

明年死子勸龍晟立淫肆不道上下怨疾

七年十

月皆遣使朝貢十一年五月以龍蒙盛卒

新書名勸龍晟廢朝

三日

爲弄棟節度王巖巖所殺立其弟勸利

遣使來請冊立其君長以少

府少監李銑充冊立弔祭使左贊善大夫許堯佐副之

勸利德巖巖賜氏蒙封大容蠻謂兄爲容

十二年至十五年比年遣使來朝

或年內二三至者

長慶三年始賜印是歲死弟豐祐立豐祐趨敢善用其下慕中國不肯連

父名穆宗使京兆少尹韋雷規持節臨冊豐祐遣洪成酋趙龍些楊定奇入謝天子寶厯二年大

和元年亦遣使來三年杜元穎鎮西川以文儒自高不

練戎事南蠻乘我無備大舉諸部入寇牧守屢陳亦不

之信十一月蜀川出軍與戰不利陷我邛州邛我舊逼

成都府入梓州西郭驅劫玉帛子女而去止西郭十日慰資居人市

不擾肆將還乃掠子女工技數萬引而南人懼自殺者不勝計救兵逐差巖身自毀至大度河謂華人曰此吾

南境爾去國當哭衆號慟赴水死者十三南詔自是工文織與中國埒上聞之大怒再貶

元穎爲循州司馬明年正月其王蒙嵯顛以表自陳請

罪兼疏元穎過失國家方事柔遠尋釋其罪復遣使來

朝五年八年亦遣使來貢方物開成四年五年會昌二

年皆遣使來朝大中時李琢爲安南經畧使苛墨自私以斗鹽易一牛夷人不堪結南詔將段

酋遷陷安南都護府號白衣沒命軍南詔發朱弩佞董三千助守然朝貢猶歲至從者多杜棕自西川入朝表

無內蠻兼豐祐怒卽慢言索質子會宣宗崩使者告哀是時豐祐亦死坦綽酋龍立悲朝廷不弔恤又詔書乃

賜故王以草具進使者而遣遂偕稱皇帝改元建極自  
號大禮園誌宗以其名近元宗嫌諱絕朝貢乃陷播州  
安南都護李鄴屯武州咸通元年爲蠻所攻棄州走天  
子斥鄴以王寬代之明年攻邕管經畧使李宏源兵少  
不能拒奔蠻州南詔亦引去詔殿中監段文楚爲經畧  
使數改條約衆不悅以胡懷玉代之南詔知邊人困甚  
剽掠無有不入寇杜棕當國爲帝謀遣使者弔祭示恩  
信并詔驃信以名嫌冊命未可舉必易名乃得封帝乃  
命左司郎中孟穆持節往會南詔陷雋州穆不行安南  
桃林人者居林西原七綰洞首領李由獨主之歲歲成  
邊李珠之在安南也奏罷防冬兵六千人謂由獨可當  
一隊過蠻之入蠻酋以女妻由獨子七綰洞舉附蠻王  
竟不能制三年以湖南觀察使蔡襲代之發諸道兵二  
萬屯守南詔愴畏不敢出會詔左庶子蔡京經制嶺南  
忌襲功有所欲沮壞之乃言南方自無虞武夫倖功多  
聚兵耗餽運請還戍兵惜財用襲執不可願留五千兵  
累表不報卽極陳南詔伺隙久有十必死狀朝廷昏肆  
不肖也京還奏得意甚復詔爲宣慰安撫使卽建旂  
州爲嶺南東道邕州爲西道以襲象藤巖爲隸州乃拜  
京西道節度使京褊伎貪克峻條令爲炮熏剗斮法下

愁毒爲軍中所逐走藤州矯制作攻討使印召鄉兵北  
道軍攻邕州不克衆潰旣死崖州以桂管觀察使鄭愚  
代節度南詔攻交州進畧安南龔請救發湖荆桂兵五  
千屯邕州嶺南韋宙奏南詔必龔邕管不先防近而岡  
遠恐擣虛絕糧道且深入乃詔龔按軍海門詔鄭愚分  
兵禦之龔請濟師以山南東道兵千人赴之南詔酋將楊  
思僭昧光高以兵六千薄城而屯四年正月攻益急龔  
錄異牟尋盟言繫矢上射入其營不答俄而城陷龔闕  
宗死者七十人幕府樊綽取龔印走度江荆南兵入東  
郛苦戰斬南詔二千級是夜蠻遂屠城有詔諸軍保嶺  
南更以秦州經畧使高駉爲安南都護帝見輸發頻罷  
遊幸不奏樂宰相杜棕以爲非是止之南詔稍逼邕州  
鄭愚自陳非將帥才願更擇人會康承訓自義武來朝  
乃授嶺南西道節度使發荆襄洪鄂兵萬人從之承訓  
辭兵寡乃大興諸道兵五萬人往六月置行交州於海  
門進爲都護府調山東兵萬人益戍以容管經畧使張  
茵鎮之因命經畧安南茵逗留不敢進安南之陷將吏  
遺人多客伏溪洞詔所在招還抹卹之免安南賦入二  
年韋宙請分兵屯容藤披蠻勢五年南詔回掠嶺州以  
孫西南西川節度使蕭鄴率屬蠻鬼主邀南詔大度河

敗之明年復來攻會刺史喻士珍貪僉陰掠兩林東蠻口縛賣之以易蠻金故開門降南詔盡殺戍卒而士珍遂臣於蠻安南久屯兩河銳士死瘴毒者十七宰相傷收議罷北軍以江西爲鎮南軍募強弩二萬建節度且地便近易調發詔可夏侯孜亦以張茵懦不足事悉以兵授高駢駢以選士五千度江敗林邑兵於邕州擊南詔龍州屯蠻酋燒賫畜走酋龍遣楊緝思助酋遷共守安南以范胤些爲安南都統趙諾眉爲扶邪都統七年六月駢次交州戰數勝士酣鬪斬其將張詮李槎龍舉衆萬人降拔波風三壁緝思出戰敗還走城士乘之超堞入斬酋遷胤些諾眉上首三萬級安南平初西龍遣清平官董成等十九人詣成都節度使李福將庭見之成辭曰皇帝奉天命改正朔請以敵國禮見福不許導譯五返日旰士倦議不決福怒命武士捽辱之械繫於館俄而劉潼代福節度卽挺其繫表縱還國明年酋龍使楊酉至京師見別殿賜物良厚慰遣還國明年酋龍使楊酉慶等來謝釋囚初李師望建言成都經總蠻事曠日不能決請析邛蜀嘉眉黎雅雋七州爲定邊軍建節度制機事近且速天子謂然卽詔師望爲節度使治邛州邛距成都才五舍雋州最南去邛乃千里緩急首尾不相



副而師望利專制諱不言哀積無厭私賄以百萬計又欲激蠻怒幸有功乃殺酋慶等既而戍士怒將醢師望以逞會召還以竇滂代之滂杳冒尤下法誅責苛織甚師望時蠻役未興而定邊已困酋龍怨殺其使十年乃入寇以軍綴青溪關密引眾代木間道徑雪峨盛夏卒凍死者二千入沐源關嘉州破屬蠻遂次沐源滂遣兗海兵五百往戰一軍覆酋龍乃身自將督眾五萬保嵩州攻青溪關屯將杜再榮絕大度河走諸屯皆退保北涯蠻攻黎州詭服漢衣濟江襲犍爲破之徘徊陵榮間焚廬舍掠糧畜薄嘉州刺史楊恣與南詔夾江而軍士攢射蠻不得進陰自上游濟背擊王師殺忠武將顏慶師恣走嘉州陷明年正月攻杜再榮滂自勒兵戰酋龍遣使者十輩請和滂信之語未半蠻掎爭岍謀而進滂不知所爲將自殺武寧將苗全緒止之殊死戰蠻稍却滂乃遁全緒殿而行黎州陷人走匿山谷蠻掠金帛不勝負入自邛峽關圍雅州遂擊邛州是冬滂棄州壁導江儲費峙械皆亡矣酋龍進攻成都次眉州坦綽杜元忠日夜教酋龍取全蜀於是西川節度使盧耽遣其副王偃中人張思廣約和蠻強之使南而拜然卒不見酋龍而還蠻次新津耽復遣剛譚奉祀好言申約蠻留

之耽畏援軍未集卽飛請天子降大使通好以紓其深  
入懿宗馳遣太僕卿支詳爲和蠻使蠻本無謀不能乘  
機會鼓行亟馳但蚍結蠅營徂鹵剽小利處處留屯故  
蜀孺老得扶攜悉入成都閭里皆滿戶所占地不得過  
一牀雨則冒箕盃自庇城中井爲竭則共飲摩訶池至  
爭梓溺死者或筮沙取滴飲之死不能具棺卽共坎瘞  
故瀘州刺史楊慶復爲耽治攻具簡石置守城兵八將  
主之樹篋格夜列炬照城守具雄新又選悍士二千號  
突將爲長刀巨槌斧分左右番休日隸於軍士心侈欲  
鬪而酋龍自雙流徐行內欲報董成之辱因給耽請上  
介至軍議事耽遣節度副使柳槃往見杜元忠議和元  
忠妄言帝見耽請具車蓋葆翬槃未能決還蠻以三百  
騎負幄幕來大言曰供帳隋蜀王聽事爲驃信行在耽  
不許仍馳去蠻稍前傅外郭於是游奕使王晝督援兵  
三千屯毗橋竇滂亦以其軍自導江來將與大軍犄角  
然戰不甚力小不勝卽保廣漢自以失定邊覲成都陷  
得薄其罪會有詔斥徙軍遂無功耽部將李自孝者與  
判史喻士珍善士珍臣蠻自孝陰與賊通乃說耽城下  
蒔葦稻瀦水頽城舉府不之覺蠻攻城自孝守陴樹麾  
以自表麾所指蠻輒攻之爲下所覺耽殺自孝以徇城

左有民樓肆蠻俯射城中耽募勇士燒之器械俱盡二月蠻以雲梁鵝車四面攻士叫呼鵝車未至陴者以巨索鉤繫投膏炬車焚箱間蠻卒盡死耽遣李瑋張察率突將戰城下俘斬二千級蠻徹民郭落爲蓬籠如軍輦下設枕木推而前不及城丈匿蠻其內以穴墉楊恣以翼貯糞瀦汝蠻蠻不能處注以鐵液鑿籠皆火然南詔負衆益治器械斧斤晝夜有聲將擊錦樓衆失色耽遣將出三面苦戰蠻引却蠻利夜晦輒薄城間呼嘯衆齊奮城上施鐵籠千炬賊來不得隱屯夫終夜哄蠻不能侵支詳遣謀與約好且謂耽毋多殺以速蠻和是時傳言救師至城中合噪開門士爭出迎軍南詔搏戰不解日入判官程克裕以北門兵二千乘之蠻乃走耽猶遺之書謝不得已交兵且請和士脫鎧迎支詳詳陳所齎植二旗署曰賜雲南幣物謂蠻使者曰天子詔雲南和解而兵薄成都奈何請退舍撤警以修好或勸詳蠻多詐母入死地詳不行蠻復圍成都夜穿西北隅黎旦乃覺卽顏芟火于孺蠻皆死穴中以鐵絙曳雲翱仆之燎作少選盡益固守是時帝遣東川節度使顏慶復爲大度河制置劍南應接使兵次新都博野將曾元裕敗蠻兵斬二千級南詔騎數萬晨歷官軍以驍大將宋威

以忠武兵戰斬首五千獲馬四百尾南詔乃退屯星宿  
山威進戍沱江酋龍遣酋望至支詳所請和詳曰今列  
城固守北軍望功歸語而主審自度耽遣銳將趣蠻壁  
燒攻具殺二千人為南詔所躡卻而潰蠻聞鳳翔山南  
軍且來乃迎戰毗橋不勝趨沱江為伏士所擊又敗城  
中出突將夜火蠻營酋龍綽身督戰後三日王師奪  
昇遷梁蠻大敗夜燒亭傳乘火所向雨矢射王師威疏  
軍行嚮矢所發叢射之兩軍不能決各解去酋龍知不  
敵夜徹營南奔至雙流江無梁計窮將赴水死或止之  
曰今北軍與成都兵合若來追我無類矣不如僞和以  
紓急不然死未晚乃來請三日梁成而濟卽斷梁按隊  
緩驅黎州刺史嚴師本收散卒保邛州酋龍懼圍二日  
去蠻俘華民必剝耳鼻已縱之旣而居人刻木為耳鼻  
者什八慶復之來衆以其弟慶師死於蠻必甘心及成  
都不破以己功輕乃按軍廣溪縱殘寇人人切齒初成  
都無隍塹乃教耽濬隍廣三丈作戰棚於陴列左右屯  
營營別五區區卒五十蒔阜茨夾壕後三年合拱又為  
大旛連弩自是南詔憚之酋龍年少嗜殺戮親戚異己  
者皆斬兵出無寧歲諸國更讐忿屢覆衆國耗虛蜀之役  
男子十五以下悉發婦耕以餉軍十四年坦綽復寇蜀

緡舟大度河以濟爲刺史黃景復擊却之衆循河而南  
夜桴上流兵夾攻瀕水諸屯景復敗走還黎州蠻躡追  
爲景復所敗會蠻踵來還攻大度河仆旗息鼓請曰坦  
綽欲上書天子白冤事戍兵信之不戰橋成而濟黎州  
陷遂攻雅州擊定邊軍卒潰入邛州成都大震人亡入玉  
壘關士乘城坦綽遣使者王保成等四十人齎驃信書  
遺節度使牛叢欲假道入朝請憩蜀王故殿叢欲許之  
揚慶諫曰蠻無信彼禮屈辭甘詐我也請斬其使留二  
人還書叢因責之曰詔王之祖六詔最小夷也天子錄  
其勤合六詔爲一俾附庸成都名之以國許子弟入太  
學使習華風今乃自絕王命且雀蛇犬馬猶能報德王  
乃不如此蟲鳥乎此成都以武備未修故令爾突我疆場  
然毗橋沱江之敗積蒿附城不四年復來今吾有十萬  
衆捨其半未用以千人爲軍十軍爲部驍將主之凡部  
有強弩二百鑄斧輔之勁弓二百越銀刀輔之長戈二  
百撥刀輔之短矛二百連錐輔之又軍四面百有鐵騎  
五百悉收芻薪米粟牛馬犬豕清野待爾吾又能以旁  
騎畧爾樵采我日出一部與爾戰部別二番日中而代  
日昃一部至以夜屯月明則戰黑則休夜半而代凡我  
兵五日一殺敵爾乃晝夜戰不十日惜且死矣州縣繕

甲厲兵恃角相從皆蠻之深讐雖女子能麟齡薄賊况  
強夫烈士哉蜀王故殿先世之寶宮非邊夷所宜舍神  
怒人憤驟信且死叢猶火郊民室廬觀閣嚴兵爲固守  
計坦綽至新津而還回寇黔中經畧使秦匡謀擢奔荆  
南會僖宗立遣金吾將軍韓重持節往使俄攻黎州景  
復擊走之乾符元年劫掠雋雅間破黎州入邛峽關掠  
成都成都閉三日蠻乃去詔徙天平軍高駢領西川節  
度使乃奏蠻小醜勢易制而蜀道險僻饑窮芟今左神  
策所發長武河東兵多用度繁廣且彼皆扼制羌戎不  
可以弛備詔乃罷長武等兵駢至不淹月閱精騎五千  
逐蠻至大度河奪鎧馬執酋長五十斬之收邛峽關復  
取黎州南詔遁還駢召景復責大度河之敗斬以徇戍  
望星清溪等關南詔懼遣使者詣駢修好而踵出兵寇  
邊駢斬其使初安南經畧判官杜驤爲蠻所俘其妻宗  
室女也故酋龍使奉書丐和駢答曰我且將百萬衆至  
龍尾城問爾罪酋龍大震自南詔叛天子數遣使至其  
境酋龍不肯拜使者遂絕駢以其俗尚浮屠法故遣浮  
屠景仙攝使往酋龍與其下迎謁且拜乃定盟而還遣  
清平官酋望趙宗政質子三十入朝乞盟請爲兄弟若  
舅甥詔拜景仙鴻臚卿檢校左散騎常侍駢結吐蕃尚

延心唄未魯擣月等爲間築戎州馬河沐源川大度河  
三城列屯拒險料壯卒爲平夷軍南詔氣奪酋龍恚發  
疽死僞諡景莊皇帝子法嗣改元貞明承智大帶國事  
大封人法年少好畋獵酣逸衣絳紫錦罽縷金帶國事  
專決大臣乾符四年遣陀西段瑋寶詣邕州節度使辛  
諱請修好詔使者答報未幾寇西川駢奏請與和親右  
諫議大夫柳韜吏部侍郎崔澹醜其事上言遠蠻叛逆  
乃因浮屠誘致又議和親垂笑後世駢職上將謀乘謬  
不可從遂寢蠻使者再入朝議和親而駢徙荆南持前  
請不置宰相鄭畋盧攜爭不決皆賜罷辛讜遣幕府徐  
雲虔攝使者往覘到善闡府見騎數十曳長矛擁絳服  
少年未緇約髮典客伽陀酋孫慶曰此驃信也問天子  
起居下馬揖客取使者佩刀視之自解左右鈕以示乃  
除地割三丈版命左右馳射每一人射法駢馬逐以爲  
樂數十發止引客就幄振子奉瓶盃四女子侍樂飲夜  
乃罷又遣問客春秋大義送使者還時駢徒節鎮海  
劫擔等沮議帝蒙弱不能曉下詔尉解西川節度使崔  
安潛上言蠻蓄鳥獸心不識禮義安可以賤隸尙貴主  
失國家大體澹等議可用臣請募義征子率十戶一保  
願發山東銳兵六千戍諸州比五年蠻可爲奴久之帝

手詔問安潛和親事答曰雲南姚州警一縣中國何資  
於彼而遣重使加厚禮彼且妄謂朝廷畏怯無能爲脫  
有他請陛下何以待之且太宗近屬不可下小蠻夷臣  
比移書不言舅甥黜所憎也有如蠻使者不復至當遣  
謀人伺其隙可以得志南詔知蜀強故襲安南陷之都  
護曾哀奔邕府戍兵潰會西川節度使陳敬瑄中和親  
議時盧攜復輔政與豆盧瑑珣皆厚駢乃譎說帝曰陛下  
初卽位遣韓重使南詔將官屬留蜀期年費不貲蠻不  
肯迎及駢節度西川招噀未繕甲訓兵蠻夷震動遣趙  
宗政入獻見天子附驃信再拜雲虔之使驃信答拜其  
於禮不爲少宣宗皇帝收三州七關平江嶺以南至大  
中十四年內庫貲積如山戶部延資充滿故宰相敏中  
領西川庫錢至三百萬緡諸道亦然咸通以來蠻始叛命  
再入安南邕管一破黔州四盜西川遂圍盧耽召兵東  
方戍海門天下騷動十有五年賦輸不內京師者過半  
中藏空虛士死瘴癘燎骨傳灰人不念家亡命爲盜可  
爲痛心前年留宗政等南方無虞及遣還彼猶冀望蒙  
法立三年比兵不出要防其蓄力以間我虞今朝廷蒙  
庫匱甲兵少牛叢有北兵七萬首尾奔衝不能救况安  
南客戍單寡涉冬寇禍可虞誠命使者臨報縱未稱臣



且伐其謀外以縻服蠻夷內得蜀休息也帝謂然乃以宗室女爲安化長公主許婚拜嗣曹王龜年宗正少卿爲雲南使大理司直徐雲虔副之內常侍劉光裕爲雲南內使霍承錫副之及還且言驃信誠欸以爲敬瑄功故進檢校司空賜一子官法遣宰相趙降眉楊奇渾段義宗朝行在迎公主高駢自揚州上言三人者南詔心腹也宜止而鳩之蠻可圖也帝從之隆眉等皆死自是謀臣盡矣蠻益衰中和元年復遣使者來迎主獻珍怪瓊巖百狀帝以方議公主車服爲解後二年又遣布燮楊奇肱來迎詔檢校國子祭酒張譙爲禮會五禮使徐雲虔副之宗正少卿嗣虢王約爲婚使未行而黃巢平帝東還乃歸其使法死僞諡聖明文武皇帝子舜化立建元中興遣使欸黎州修好昭宗不答後中國亂不復通先是其女復妻閻羅鳳初咩羅皮之敗時傍入居遂川女也其上浪千餘勢稍張爲閻羅鳳所猜徙置白崖城後州誘上浪千餘勢稍張爲閻羅鳳所猜徙置白崖城後與矣川羅識詣神川都督求自立爲詔謀洩被殺矣川羅識奔神川都督送之羅些城蒙嵩詔晟大其王雋輔首死無子弟佞陽照立佞陽照死子照原立喪明子原羅質南詔歸義欲并國故歸其子原羅衆果立之居數

月使人殺照原逐原羅遂有其地越析詔或謂磨些詔  
居故越析州西距曩葱山一日行貞元中有豪酋張尋  
求丞其王波衝妻因殺波衝劍南節度使召尋求至姚  
州殺之部落無長以地歸南詔波衝兄子于贈持王所  
寶鐸居河東北歸義樹壁侵于贈不克閭羅鳳自請往  
楊墮破之于贈投瀘死得鐸故王出軍必雙執之  
擊楊墮其王豐時死子羅鐸立羅鐸死子更號望立浪  
浪穹州刺史與南詔戰不勝挈其部寶劍川更號望立浪  
浪穹州刺史與南詔戰不勝挈其部寶劍川更號望立浪  
死子望偏立望偏死子偏羅矣立偏羅矣死子羅君立  
貞元中南詔擊破劍川虜羅君徙永昌凡浪穹遼聯施  
浪總謂之浪人亦稱三浪遼聯詔其王豐初據遼聯  
爲御史李知古所殺子咩羅皮自爲遼川州刺史治大  
釐城歸義襲敗之復入遼聯與浪穹施合拒歸義旣  
戰大敗歸義奪遼聯咩羅皮走保野共川死子皮羅鄧  
立皮羅鄧死子鄧羅顛立鄧羅顛死子文託立南詔  
破劍川虜之徒永昌施浪詔其王施望欠居矣苴和城  
有施各皮者亦入詔之裔據石和城閭羅鳳攻虜之而  
施望欠孤立故與咩羅皮合攻歸義不勝歸義以兵脅  
降其部施望欠以族走永昌獻其女遺南詔丐和歸義

許之度蘭江死弟望千走吐蕃吐蕃立爲詔納之劍川  
衆數萬望千死子千旁羅顛立南詔破劍川千旁羅顛

走瀘北三浪悉滅唯千旁羅顛及矣川羅識子孫在吐蕃

新書贊曰唐之治不能過兩漢而地廣於三代勞民  
費財禍所由生晉獻公殺嫡賊二公子號爲閻君明

皇一日殺三庶人昏蔽甚矣嗚呼父子不相信而遠  
治閻羅鳳之罪士死十萬當時寬之懿宗任相不明

藩鎮屢畔南詔內侮屯戍思亂靡勦乘之倡戈橫行  
雖凶渠殲夷兵連不解唐遂以亡易曰喪牛于易有

國者知戒西北之虞而不知患生於無備漢亡於董  
卓而兵兆於冀州唐亡於黃巢而禍基於桂林易之

意深矣

驃國古朱波也在永昌故郡南二千餘里去上都一萬四千

里其國境東西三千里南北三千五百里東隣真臘國

西接東天竺國西南墮和羅南盡溟海北通南詔些樂城界

東北距陽苴咩城六千八百里往來通聘迦羅婆提等

二十國

凡屬國十八曰迦羅婆提曰摩禮烏特曰迦梨

代曰渠論曰婆梨曰偈陀曰多歸役屬者道林王等九

城曰道林王曰悉利移曰三陀曰彌諾道立食境土者

羅君潛等二百九十部落者三十二曰萬公曰充惹曰

羅君潛曰彌綽曰道雙曰道囊曰道勿曰夜半曰不惡

奪曰莫音曰伽龍駭曰阿梨吉曰阿梨閣曰阿梨忙曰

達磨曰求潘曰僧塔曰提梨耶曰望騰曰擔泊曰祿烏

咩曰磚羅婆提曰祿羽曰陋蠻曰磨地勃由彌臣至坤

朗又有小崑崙部王名茫悉越俗與彌臣同由坤朗至

祿羽有大崑崙王國王名思利泊婆難多珊那川原大

於彌臣由崑崙小王所居半日行至磨地勃柵海行五月

至佛代國有江支流三百六十其王名思利些彌他有

川名思利毗離芮土多異香北有市諸國估舶所湊越

海卽闍婆也十五日行踰二大山一曰正迷一曰射鞞  
有國其王名思利摩訶羅闍俗與佛代同經多茸補邏  
川至闍婆川八日行至婆賄伽盧國土熱衢路植椰子  
檳榔仰不見日王居以金爲甕厨覆銀瓦爨香木堂飾  
明珠有二池以金爲  
隄舟楫皆飾金寶其王姓困沒長名摩羅惹其國相

名摩訶思那其王近適則昇以金繩牀遠適則乘象嬪  
姝甚衆常數百人其羅城構以塼甃周一百六十里

二門四隅作浮圖民皆居壕岍亦構塼相傳本是舍利

中鉛錫爲瓦荔支爲材佛城近城有沙山不毛地亦與波斯婆羅門接距西舍

地接常羈制之城內有居人數萬家佛寺百餘區其堂宇皆錯

以金銀塗以丹彩琉璃爲甕地以紫礦覆以錦劉其俗好生

惡殺拜以手抱臂稽其土宜菽粟稻梁蔗大若脛無麻麥以

銀爲錢形如半月號登迦陀亦曰足彈陀無膏油以蠟雜香代炷與諸蠻市以江豬白氈琉璃罌缶相易其

理無刑名桎梏之具犯罪者以竹五十本束之復犯者

撻其背數止五輕者止三殺人者戮之王宮設金銀二

之以占吉凶有巨白象高百尺訟者焚香跪象前自思是非而退有災疫王亦焚香對象跪自咎男女

七歲則落髮止寺舍依桑門至二十不悟佛理乃復長

髮爲居人其衣服悉以白氈爲朝霞繞腰而已不衣繒

帛云出於蠶爲其傷生故也戴金花冠翠目絡以雜珠婦人當頂作高髻飾銀珠

非衣青娑裙披羅段行持扇貴家者旁至五六君臣父子長幼有序華言謂之

驃自謂突羅成新書閻婆人謂之徙里掘新書古未嘗

通中國貞元中其王雍聞南詔異牟尋歸附心慕之八

年

異牟尋遣使楊加明詣劍南西川節度使  
韋皋請獻夷中歌曲且令驃國進樂人

乃遣其弟

悉利移

城主舒陀

因南詔重譯來朝又獻其國樂凡十曲

與樂工三十五人俱樂曲皆演釋氏經論之詞意

於是

南詔奉聖樂用正律黃鍾之均宮徵一變象西南順也  
角羽終變象戎夷革心也舞六成工六十四人贊引二

人序曲二十八疊舞南詔奉聖樂字舞人十六執羽翟  
以四為列舞南字歌聖主無為化舞詔字歌南詔朝天

樂舞奉字歌海字修文化舞聖字歌雨露無外舞樂  
字歌闕土丁零塞皆一章三疊而成舞者初定執羽籥

鼓等奏散序一疊次奏第二疊四行贊引以序入將終  
雷鼓作於四隅舞者皆拜金聲作而起執羽籥首以象

朝觀每拜跪節以鉦鼓次奏拍序一疊舞者分左右蹈  
舞每四拍揖羽籥首拍終舞者拜復奏一疊蹈舞拊揖

以合南字字成編終舞者北面跪歌導以絲竹歌已備  
伏鉦作復揖舞餘字皆如之唯聖字詞末皆恭揖以明

奉聖每一字曲三疊名為五成次急奏一疊四十八人  
分行罄折象將臣禦邊也字舞畢舞者十六人為四列

又舞闕四門之舞遠舞入徧兩疊與鼓吹合節進舞三  
退舞三以象三才三統舞終皆稽首逡巡又一人舞億  
萬壽之舞歌天南滇越俗四章舞七疊六成而終七者  
火之成數象天子南面生成之恩六者坤數象西南向  
化凡樂三十工百九十六人分四部一龜茲部二大鼓  
部三胡部四軍樂部龜茲部有羯鼓拊鼓腰鼓雞婁鼓  
短笛大小箏篳拍板皆八長短簫橫笛方響大銅鈸具  
皆四凡工八十八人分四列屬舞筵四隅以合節鼓大  
鼓部以四爲列凡二十四居龜茲部前胡部有箏皆四  
筮篳五絃琵琶箏橫笛短笛拍板皆八大小箏篳皆四  
工七十二人分四列屬舞筵之隅以導歌詠軍樂部金  
鏡金鐸皆二桐鼓金鉦皆四鉦鼓金飾蓋垂流蘇工十  
二人服南詔服立闕四門舞筵四隅節拜台樂又十六  
人畫半臂執畫皮鞞首飾舞人服南詔衣絳裙襦黑  
頭囊金佉苴畫皮鞞首飾舞人服南詔衣絳裙襦黑  
畫半臂執羽翟舞俯伏以象朝拜襦冠金花寶鬘上復加  
以八綵雜華以象庶物咸遂羽葆四垂以象天無不覆  
正方布位以象地無不載分四列以象號令遠布振以  
以象五行秉羽翟以象文德節鼓以象號令遠布振以  
鐸明采詩之義用龜茲等樂以象遠夷悅服鉦鼓則古



者振旅獻捷之樂也黃鍾君聲醜運爲土明土德常盛  
黃鍾得乾初九自爲其宮則林鍾四律以正聲應之象  
大君西南面提天統於上乾道明也林鍾得坤初六其位  
西南西南感至化於下坤體順也太族三才旣通南呂  
人以統天地正而三才通故次應以太族三才旣通南呂  
復以羽聲應之南呂西成服然後姑洗以角音終之  
而應乎時以象西戎西北狄威服然後姑洗以角音終之  
姑故也洗濯也以象南詔背吐蕃歸化洗過日新皐以  
五宮異用獨唱殊音復述五均譜分金石之節奏一曰  
黃鍾宮之宮軍士歌奉聖樂者用之舞人服南詔衣乘  
翟俯伏拜拊台南詔奉聖樂五字唱詞五舞人乃易南  
方朝天之服絳色七節襦袖節有青襟袷以象鳥翼  
樂用龜茲胡部金鉦柁鼓鐃貝大鼓二曰太族商之宮  
女子歌奉聖樂者用之合以管絃若奏庭下則獨舞一  
曲樂用龜茲鼓笛各四部與胡部等合作琵琶箏琴篋  
各八大小厭箎箏五絃琵琶長笛短笛方響各四居龜  
茲部前次貝一人大鼓十二分左右餘皆坐奏三曰姑  
洗角之宮應古律林鍾爲徵宮女子歌奉聖樂者用之  
舞者六十四人節羅綵襦袖間以八采曳雲花履首飾  
雙鳳八卦綵雲化髮執羽爲拜拊之節以林鍾當地統

象歲功備萬物成也雙鳳明律呂之和也八卦明還相  
爲用也綵雲象氣也花鬢象冠也合奉聖樂三字唱詞  
三表天下懷聖也小女子字舞則碧色裙袖象角音主  
木首飾巽卦應姑洗之氣以六人畧後象六合一心也  
樂用龜茲胡部其鉦擗錢鐸皆覆以綵蓋飾以花趺上  
陳錦綺垂流蘇按瑞圖曰王者有道則儀鳳在鼓故羽  
葆鼓棲以鳳凰鉦棲孔雀錢鐸棲以翔鷺鉦擗頂足又  
飾南方鳥獸明澤及飛走翔伏鉦擗皆二人執擊  
之貝及大鼓工伎之數與軍士奉聖樂同而加鼓笛四  
部四曰林鍾徵之宮斂拍單聲奏奉聖樂丈夫一人獨  
舞樂用龜茲鼓笛每色四人方響二置龜茲部前二隅  
有金鉦中植金鐸二貝二鈴鉦二大鼓十二分左右五  
曰南呂羽之宮應古律黃鍾爲君之宮樂用古黃鍾方  
響一大琵琶五絃琵琶大筓篋倍黃鍾威篋小威篋竿  
笙壘篋擗箏軋箏黃鍾簫笛倍笛節鼓拍板等工皆一  
人坐奏之絲竹緩作一人獨唱歌工復通唱軍士奉聖  
樂詞雍羌亦遣弟悉利移城主舒難陀獻其國樂至成  
都韋臯復譜次其聲以其舞容樂器異常乃畫圖以獻  
工器二十有二其音八金貝絲竹匏革牙角金二貝一  
絲七竹二匏二革二牙一角二鈴鉦四制如龜茲部周

圓三寸貫以韋擊磔應節鐵板二長三寸五分博二寸  
 五分面平背有柄係以韋與鈴銜紛有鳳首筮篔其  
 為藥螺貝四大者可受一升飾條紛有鳳首筮篔其  
 一長二尺腹廣七寸鳳首及項長二尺五寸面飾虺皮  
 絃一十有四項有軫鳳首外向其一項有條軫有鬣首  
 箏二其一形如鬣長四尺有八寸尾長尺餘卷上虛中施  
 及仰肩如琴廣七寸腹濶八寸其一面飾彩花傅以虺皮  
 關以張九絃左右一十八柱其一面飾彩花傅以虺皮  
 為別有龍首琵琶一如龜茲製而項長二尺六寸餘腹  
 廣六寸二龍相向為首有軫柱各三絃隨其數兩軫在  
 項一在頸其覆形如師子有雲頭琵琶一形如前面飾  
 虺皮四面有牙釘以雲為首軫上有花象品字三絃覆  
 手皆飾虺皮刻捍撥為舞崑崙狀而有彩飾之有大匏琴  
 二覆以半匏皆彩畫之上加銅甌以竹為琴作虺文橫  
 其上長三尺餘頭曲如拱長二寸以條繫腹穿甌及匏  
 本可受二升大絃應太簇次絃應姑洗有獨絃匏琴以  
 斑竹為之不加飾刻木為虺首張絃無軫以絃繫頭有  
 四柱如龜茲琵琶絃應太簇有小有小匏琴二形如大匏琴  
 長二尺大絃應南呂次絃應應鍾有橫笛二長尺餘取  
 其合律去節無爪以蠟實首上加師子頭以牙為之穴

六以應黃鍾商備五音七聲又一管唯加象首律皮與  
荀勗笛譜同又與清商部鍾聲合有兩頭笛二長二尺  
八寸中隔一節節左右開衝氣穴兩端皆分洞體爲笛  
量左端應太蕤管末三穴一姑洗二蕤賓三夷則右端  
應林鍾管末三穴一南呂二應鍾三大呂下托指一穴  
應清太蕤兩洞體七穴共備黃鍾林鍾兩均有大匏笙  
二皆十六管左右皆八形如鳳翼大管長四尺八寸五  
分餘管參差相次製如笙管形亦類鳳翼竹爲簧穿匏  
達本上古八音皆以木漆代之用余爲簧無匏音唯驃  
國得古製又有小匏笙二製如大笙律應林鍾商有三  
面鼓二形如酒缸高二尺首廣下銳上博七寸底博四  
寸腹廣不過首冒以虺皮束三爲一碧條約之小鼓四製  
則不冒四面畫驃國工技執笙鼓以爲飾有小鼓四製  
如腰鼓長五寸首廣三寸五分冒以虺皮牙釘彩色無  
柄搖之爲樂節引贊者皆執之有牙笙穿匏達本漆之  
上植二象牙代管雙簧皆應姑洗有三角笙亦穿匏達  
本漆之上植三牛角一簧應姑洗餘應南呂角銳在下  
穿匏達本柄皆直有兩角亦穿匏達本上植二牛  
角簧應姑洗匏以彩飾凡曲名十有二曰讚婆羅花驃云  
沒馱彌國人及天竺歌以事王也二曰讚婆羅花驃云

隴莽第國人以花爲衣服能淨其身也三曰白鶴驃云蘇謾底哩謂  
答都美其飛止遂情也四曰白鶴驃云來乃昔有人  
翔則摩空行則徐步也五曰關羊勝驃云彌思彌此一絃而五  
見二羊鬪海岸強者則見弱者入山時人謂之來乃來  
乃者勝勢也六曰龍首獨琴驃云彌思彌此一絃而五  
音備象王一德以畜萬邦也七曰禪定驃云掣覽詩謂  
離俗寂靜也七曲唱舞皆律應黃鐘商八曰甘蔗王驃  
云遇思略謂佛教民如蔗之甘皆悅其味也九曰孔雀  
王驃云桃臺謂毛采光華也十曰野鵝謂飛止必雙徒  
侶畢會也十一曰宴樂驃云籠聰網摩謂時康宴會嘉  
也十二曰滌煩亦曰笙舞驃云扈那謂時滌煩皆以此  
適情也五曲律應黃鐘兩均一黃鐘商伊越調一林鍾  
商小植調樂工皆崑崙衣絳氍朝霞爲蔽膝謂之祓禱  
兩肩加朝霞絡腋足臂有金寶環釧冠金冠左右珥璫  
條貫花鬢理雙簪散以毳初奏樂有贊者一人先導樂  
意其舞容隨曲用人或二或六或四或八至十皆味目  
拜首稽首以終節其樂五譯而至開  
州刺史唐次述驃國獻樂頌以獻  
難爲試太僕卿民三千徒之拓東  
陀

西原蠻居廣容之南邕桂之西有甯氏者相承爲豪又有黃氏居黃橙洞其隸也其地西接南詔天寶初黃氏強與韋氏周氏儂氏相脣齒爲寇害據十餘州韋氏周氏耻不肯附黃氏攻之逐於海濱至德初首領黃乾曜眞崇鬱與陸州武陽朱蘭洞蠻皆叛推武承斐韋敬簡爲帥僭號中越王廖殿爲桂南王莫淳爲柘南王相支爲南越王梁奉爲鎮南王羅誠爲戎城王莫潯爲南海王合衆二十萬綿地數千里署置官吏攻桂管十八州所在焚廬舍掠士女更四歲不能平乾元初遣中使慰曉諸首領賜詔書赦其罪約降於是西原環古等州首

領方子彈甘令暉羅承韋張九解宋原五百餘人請出  
兵討承斐等歲中戰二百斬黃乾曜真崇鬱廖殿莫淳  
梁奉羅誠莫潯七人承斐等以餘衆面縛詣桂州降盡釋  
其縛差賜布帛縱之其種落張侯夏永與夷獠梁崇牽  
覃問及西原酋長吳功曹復合兵內寇陷道州據城五  
十餘日桂管經畧使邢濟擊平之執吳功曹等餘衆復  
圍道州刺史元結固守不能下進攻永州陷邵州留數  
日而去湖南團練使辛京杲遣將王國良戍武崗嫉京  
杲貪暴亦叛有衆千人侵掠州縣發使招之且服且叛  
建中元年城溱州以斷西原國良乃降貞元十年黃洞

首領黃少卿者攻邕管圍經畧使孫公器請發嶺南兵

窮討之德宗不許命中人招諭不從俄陷欽橫潯貴四

川少卿子昌沔趨勇前後陷十三州氣益振乃以唐州

刺史陽旻爲容管招討經畧使

案陽旻元和十一年始拜容管德宗貞元十年

容管乃王鏐相去二十年豈得牽合引師掩賊一日六七戰皆破之侵地

悉復元和初邕州擒其別帥黃承慶明年少卿等歸款

拜歸順州刺史弟少高爲有州刺史未幾復叛又有黃

少度黃昌瓘二部陷賓巒二州據之十一年攻欽橫二

州邕管經畧使韋悅破走之取賓巒二州是歲復屠巖

州桂管觀察使裴行立輕其軍弱首請發兵盡誅叛者



徵幸有功憲宗許之行立兵出擊彌更二歲妄奏斬獲二萬罔天子爲解自是邕容兩道殺傷疾疫死者十八以上調費鬪亡由行立陽旻二人當時莫不咎之及安南兵亂殺都護李象古擢唐州刺史桂仲武爲都護逗留不敢進貶安州刺史以行立代之尋召還卒長慶初以容管經畧使留後嚴公素爲經畧使復上表請討黃氏兵部侍郎韓愈建言黃賊皆洞獠無城郭依山險各治生業急則屯聚畏死前日邕管經畧使德不能綏懷威不能臨制侵詐係縛以致憾恨夷性易動而難安劫州縣復私讐貪小利不爲大患自行立陽旻建征討生

事詭賞邕容兩管日以凋敝殺傷疾患十室九空百姓怨嗟如出一口人神共嫉二將繼死今嚴公素非撫御之才復尋往謬誠恐嶺南未有寧時昨合邕容爲一道邕與賊限一江若經畧使居之兵鎮所處物力雄完則敵人不敢輕犯容州則隔阻已甚以經畧使居之則邕州兵少情見易啟蠻心請以經畧使還邕州容置刺史便甚又比發南兵遠鄉羈旅疾疫殺傷續添續死每發倍難若募邕容千人以給行營糧不增而兵便習守則有威攻則有利自南討損傷嶺南人希賊之所處洞壘荒僻假如盡殺其人得其地在國計不爲有益容貸羈

縻比之禽獸來則捍禦去則不追未有虧損朝廷願因  
改元大慶普赦其罪遣郎官御史以天子意丁寧宣諭  
必能謹叫聽命爲選材用威信者委以經畧處理得方  
宜無侵叛事不納初邕管旣廢人不謂宜監察御史杜  
周士使安南邕州刺史李元宗白狀周士從事五管積  
三十年矣亦知其不便嚴公素遣人盜其橐周士憤死  
公素劾元宗擅以羅陽縣還黃少度元宗懼引兵一百  
持印章依少度穆宗遣監察御史敬僚按之僚嘗爲容  
州從事與公素暱傳致元宗罪以母老流驩州衆以爲  
不直黃賊更攻邕州陷左江鎮攻欽州陷千金鎮刺史

楊嶼奔石南柵邕州刺史崔結擊破之明年又寇欽州  
殺將吏是歲黃昌瓘遣其黨陳少奇二十人歸款請降  
敬宗納之黃氏儂氏據州十八經畧使至遣一人詣治  
所稍不得意輒侵掠諸州橫州當邕江官道嶺南節度  
使常以兵五百戍守不能制大和中經畧使董昌齡遣  
子蘭討平峒穴夷其種黨諸蠻畏服有違命者必嚴罰  
之十八州歲輸貢賦道路清平其後儂洞最强南詔爲  
助懿宗與南詔約和二洞數構敗之邕管節度使辛讜  
以從事徐雲虔使南詔結和齎美貨啖二洞首領太州  
刺史黃伯蘊屯洞首領儂金意員州首領儂金勒等與

之通驩員州又有首領儂金澄儂仲武與金勒襲黃洞  
首領黃伯善伯善伏兵灤水鷄鳴候其半濟擊殺金澄  
仲武唯金勒遁免後欲興兵報仇辛讜遣人持牛酒音  
樂解和并遺其母衣服母賢者也讓其子曰節度使持  
物與獠母非結好也以汝爲吾子前日兵敗灤水土卒  
畧盡不自悔復欲動衆兵忿者必敗吾將囚爲官老婢  
矣金勒感悟爲罷兵

史臣曰禹畫九州周分六服斷長補短止方七千國賦  
之所均王教之所備此謂華夏者也以圓蓋方輿之廣  
廣谷大川之多民生其間胡可勝道此謂蕃國者也西

南之蠻夷不少矣雖言語不通嗜欲不同亦能候律瞻風遠修職貢但患已之不德不患人之不來何以驗之貞觀開元之盛來朝者多也

贊曰五方異氣所稟不同維南極海曰蠻與戎惡我則叛好我則通不可不德使其瞻風

新書贊曰唐北禽頡利西滅高昌焉耆東破高麗百濟威制夷狄方策所未有也交州漢之故封其外瀕海諸蠻無廣土堅城可以居守故中國兵未嘗至及唐稍弱西原黃洞繼爲邊害垂百餘年及其亡也以南詔詩曰惠此中國以綏四方不以夷狄先諸夏也

唐書卷第二百五十八上

唐書卷第二百五十八下

雜事六

西戎

泥婆羅

党項羌

高昌

吐谷渾

焉耆

龜茲

疎勒

于闐

天竺

摩揭陀

從新書增

罽賓

康

寧遠

從新書增

大勃律

從新書增

吐火羅

從新書增

謝颺

從新書增

識匿 從新書增

箇失密 從新書增

骨咄 從新書增

蘇毗 從新書增

師子 從新書增

波斯

拂菻

大食

泥婆羅國在吐蕃西 樂陵川 其俗剪髮與眉齊穿耳指以

竹筩牛角綴至肩者以為姣麗食用手無匕箸 土多赤銅犂牛

其器皆銅多商賈 俗不知牛耕 少田作以銅為錢面文為人

背文為馬牛不穿孔衣服以一幅布蔽身日數盥浴以

板為屋壁皆雕畫俗重博戲好吹蠡擊鼓頗解推測盈

虛兼通麻術事五天神鑄石為像每日清水浴神烹羊



而祭其王那陵提婆身著真珠玻瓈車渠珊瑚琥珀纓  
絡耳垂金鈎玉璫佩寶裝伏突坐獅子牀其堂內散花  
香大臣及諸左右並坐於地持兵數百列侍其側宮中  
有七層之樓覆以銅瓦欄檻楹楹皆飾珠寶樓之四角  
各懸銅槽下有金龍激水上樓注於槽中從龍口而出  
狀若飛泉那陵提婆之父爲其叔父所篡那陵提婆逃  
難於外吐蕃因而納焉克復其位遂羈屬吐蕃貞觀中  
衛尉丞李義表往使天竺塗經其國那陵提婆見之大  
喜與義表同出觀阿耨婆沱池周迴二十餘步水恒沸  
雖流潦暴集燂石焦金未嘗增減以物投之卽生烟焰

懸釜而炊須臾而熟其後王元策爲天竺所掠泥婆羅  
發騎與吐蕃共破天竺有功

二十一年遣使入獻  
波稜酢菜渾提葱

永徽

二年其王尸利那連陀羅又遣使朝貢

党項羌在古析支之地漢西羌之別種也魏晉之後西  
羌微弱或臣中國或竄山野自周氏滅宕昌鄧至之後  
党項始強其界東至松州西接葉護南雜春桑迷桑等  
羌北連吐谷渾處山谷間亘三千里其種每姓別自爲  
部落一姓之中復分爲小部落大者萬餘騎小者數千  
騎不相統一有細封氏費聽氏往利氏頗超氏野辭氏  
房當氏米擒氏拓拔氏拓拔最爲強族俗皆土著居有棟宇

其屋織犛牛尾及羊毛覆之每年一易俗尚武無法令賦役其人多壽年一百五六十歲不事產業好爲盜竊互相凌劫尤重復讐若讐人未得必蓬頭垢面跣足蔬食要斬讐人而後復常男女並衣裘褐仍披大羶畜犛牛馬驢羊以供其食不知稼穡土無五穀氣候多風寒五月草始生八月霜雪降求大麥於他界醞以爲酒妻其庶母及伯叔母嫂子弟之婦淫穢烝褻諸夷中最爲甚然不婚同姓老死者以爲盡天年親戚不哭少死者則云天枉乃悲哭之死者焚屍名爲火葬無文字但候草木以記歲時三年一相聚殺牛羊以祭天自周及隋

或叛或朝常爲邊患貞觀三年南會州都督鄭元璿遣使招諭其酋長細封步賴舉部內附太宗降璽書慰撫之步賴因來朝宴賜甚厚列其地爲軌州拜步賴爲刺史仍請率所部討吐谷渾其後諸姓酋長相次率部落皆來內屬請同編戶太宗厚加撫慰列其地爲岷奉巖遠四州各拜其首領爲刺史有羌首拓拔赤辭者初臣屬吐谷渾甚爲渾主伏允所睚與之結婚及貞觀初諸羌歸附而赤辭不至李靖之擊吐谷渾赤辭屯狼道坡以抗官軍廓州刺史久且洛生遣使諭以禍福赤辭曰我被渾主親戚之恩腹心相寄生死不貳焉知其他汝

可速去無令汚我刀也洛生知其不悟於是率輕騎襲之擊破赤辭於肅遠山斬首數百級虜雜畜六千而還太宗又令岷州都督李道彥說諭之赤辭從子思頭密送誠款其黨拓拔細豆又以所部來降赤辭見其宗黨離始有歸化之意後岷州都督劉師立復遣人招誘於是與思頭並率衆內屬

以其地爲懿嵯麟可三州以松州爲都督府

拜赤

辭爲西戎州都督賜姓李氏自此職貢不絕

於是自河首積石山

而東皆爲中國地

其後吐蕃強盛拓拔氏漸爲所逼遂請內徙

始移其部落於慶州置靜邊等州以處之其故地陷於吐蕃其處者爲其役屬吐蕃謂之彌藥又有黑党項在

於赤水之西李靖之擊吐谷渾也渾主伏允奔黑党項

居以空閑之地及吐谷渾舉國內屬黑党項酋長號敦

善王因貢方物又有雪山党項姓破丑氏居於雪山之

下及白狗春桑白蘭等諸羌白蘭羌吐蕃謂之丁零左屬党項右與多彌接勝兵

萬人勇戰鬪善作兵俗與党項同武德六年使者入朝明年以其地爲維恭二州貞觀六年與契苾數十萬內屬永徽時特浪生羌卜樓大首領凍就率衆來屬

以其地爲劍州白狗與東會州接勝兵纔千人自龍

朔已後並爲吐蕃所破而臣屬焉其在西北邊者天授

三年內附凡二十萬口分其地置朝吳浮歸等十州仍

散居靈夏等界內自至德已後常爲吐蕃所誘密以官

告授之使爲偵道故時或侵叛尋亦底寧

乾元間中國數亂因寇邠

寧二州肅宗詔郭子儀都統朔方邠寧鄜坊節度事以邠州刺史杜冕邠州刺史桑如珪分二隊出討子儀至

兗項寶應初其首領求朝請助國供靈州軍糧優詔褒

美其在涇隴州界者後上元元年率其衆十餘萬詣鳳

翔節度使崔光遠請降二年與渾奴刺連和寇寶雞殺

殺刺史蕭懋節度使李鼎追擊走之明年又攻梁州刺史李勉走進寇奉天六掠華原同官去詔臧希讓代勉

爲刺寶應元年十二月其歸順州部落乾封州部落歸

義州部落順化州部落和寧州部落和義州部落保善

州部落寧定州部落羅雲州部落朝鳳州部落並詣山

南西道都防禦使梁州刺史臧希讓請州印希讓以聞

許之僕固懷恩之叛誘兗項渾奴刺入寇衆數萬掠鳳

翔蓋厓大酋鄭廷郝德入同州刺史韋勝走節度

使周智光破之於澄城閏月又入同州焚公私室廬壁  
馬爾山郭子儀遣兵襲之退保三堡子儀遣慕容休明  
諭降廷德子儀以党項吐谷渾部落散處鹽慶等州其  
地與吐蕃濱近易相脅仰表徙靜邊州都督夏州樂容  
等六府党項於銀州之北夏州之東寧朔州吐谷渾住  
夏西以離沮之召靜邊州大首領左羽林大將軍拓跋  
朝光等五刺史入朝厚賜資使還綏其帥先是慶州有  
破丑氏族三野利氏族五把利氏族一與吐蕃姻援贊  
普悉王之因是擾邊凡十年子儀表工部尙書路嗣恭  
爲朔方留後將作少監梁進用爲押党項部落使置行  
慶州且言党項陰結吐蕃爲變可遣使者招慰芟其反  
謀因令進用爲慶州刺史嚴邏以絕吐蕃往來道代宗  
然之又表置靜邊芳池相與五州都督長史永平旭定  
清寧寧保忠順靜塞萬吉等七州都督府於是破丑野  
利把利三部及思樂州刺史拓跋乞梅等皆入朝宜定  
州刺史折磨布落芳池州野利部並徙綏延州大厓未  
野利秃羅都與吐蕃叛招餘族不應子儀擊之斬秃羅  
都而野利景庭野利剛以其部落數千人入附雞子川

貞元三年十二月初禁商賈以牛馬器械於党項部落



貿易十五年二月六州党項自石州奔過河西党項有  
六府部落曰野利越詩野利龍兒野利厥律兒黃野海  
野宰等居慶州者號爲東山部落居夏州者號爲平夏  
部落永泰大厯已後居石州依水草至是永安城鎮將  
阿史那思昧擾其部落求取駝馬無厭中使又贊成其  
事党項不堪其弊遂率部落奔過河元和九年五月復  
置宥州以護党項十五年十一月命太子中允李寮爲  
宣撫党項使以部落繁富時遠近商賈齎貨入貿羊  
馬然器械鈍苦畏唐兵精則以善馬購鎧善羊貿弓矢  
邨坊道軍糧使李石表禁商人不得以旗幟甲冑五  
兵入部落告者至大和開成之際其藩鎮統領無緒恣  
舉罪人財界之

其貪慄不顧危亡或強市其羊馬不酌其直以是部落

苦之遂相率爲盜靈鹽之路小梗會昌初上頻命使安

撫之兼命憲臣爲使分三印以統之在邠寧延者以侍

御史內供奉崔君會

新書名  
彦曾

主之在鹽夏長澤者以侍

御史內供奉李鄴主之在靈武麟勝者以侍御史內供

奉鄭賀主之仍各賜緋魚以重其事久而無狀尋皆罷

之宣宗大中四年內掠邠寧詔鳳翔李業河東李拭合

節度兵討之宰相白敏中爲都統帝出近苑或以竹

一箇植舍外見纜尺許遠且百步帝屬二矢曰党項窮

寇仍歲暴吾鄙今吾約射竹中則彼當自亡不中我且

索天下兵翦之終不以此賊遺子孫左右注曰帝一發

竹分矢徹諸外左右呼萬歲不闕月羌果破殄餘種竄

南山始天寶末平夏部有戰功擢容州刺史天柱軍使

其裔孫拓跋思恭咸通末竊據宥州稱刺史黃巢入長

安與鄜州李孝昌壇而坎牲誓討賊僖宗賢之以爲左  
武衛將軍權知夏綏銀節度使次王橋爲巢所敗更與  
鄭收四節度盟屯渭橋中和二年詔爲京城西面都統  
檢校司空同中書門下平章事俄進四面都統權知京  
兆尹賊平兼太子太傅封夏國公賜姓李嗣襄王焜之  
亂詔思恭討賊兵不出卒以弟思諫代爲定難節度使  
思孝爲保大節度鄜坊丹翟等州觀察使並檢校司徒  
同中書門下平章事王行瑜反以思孝爲北面招討使  
思諫東北面招討使思孝亦因亂取鄜州遂爲節度使  
累兼侍中以老薦弟思敬爲保大軍兵馬留後俄爲節  
使度

高昌者漢車師前王之庭後漢戊巳校尉之故地在京

師西四千三百里

其橫八百里  
縱五百里

其國有二十一城王都

高昌其交河城前王庭也田地城校尉城也勝兵且萬人  
厥土良沃穀麥歲再熟有蒲萄酒宜五果有草名白

疊國人採其花織以爲布

俗辦髮垂後

有文字知書計所置

官亦採中國之號焉其王麴伯雅卽後魏時高昌王嘉

之六世孫也隋煬帝入朝拜左光祿大夫車師太守封

弁國公仍以戚屬宇文氏女爲華容公主以妻之武德

二年伯雅死子文泰嗣遣使來告哀高祖遣前河州刺

史朱惠表往弔之七年文泰又獻狗雄雌各一高六寸

長尺餘性甚慧能曳馬銜燭云本出拂菻國中國有拂

菻狗自此始也太宗嗣位復貢元狐裘因賜其妻宇文

氏花鑲一具宇文氏復貢玉盤西域諸國所有動靜輒

以奏聞貞觀四年冬文泰來朝及將歸蕃賜遺甚厚其

妻宇文氏請預宗親詔賜李氏封常樂公主下詔尉論之時西戎諸國求朝貢者皆塗經高昌文泰後稍擁絕之伊吾先臣西突厥至是內屬文泰又與葉護連結將擊伊吾太宗以其反覆下書切讓徵其大臣冠軍阿史那矩入朝將與議事文泰竟不遣乃遣其長史麴雍來謝罪初大業之亂中國人多投於突厥及頡利敗或有奔高昌者文泰皆拘留不遣太宗詔令括送文泰尙隱蔽之又尋與西突厥乙毘設擊破焉耆三城虜其男女而去焉耆王上表訴之太宗遣虞部郎中李道裕往問其狀十三年太宗謂其使曰高昌數年來朝貢脫畧無

藩臣禮國中署置官號準我百僚稱臣於人豈得如此  
今茲歲首萬國來朝而文泰不至增城深塹預備討伐  
日者我使人至彼文泰云鷹飛於天雉竄於蒿猫遊於  
堂鼠安於穴各得其所豈不活耶又西域使欲來者文  
泰悉拘留之又遣使謂薛延陀云旣自爲可汗與漢天  
子敵也何須拜謁其使事人闕禮離間隣好惡而不誅  
善者何勸明年當發兵馬以擊爾是時薛延陀可汗表  
請爲軍向導以擊高昌太宗許之令民部尙書唐儉至  
延陀與謀進取太宗冀其悔過復下璽書示以禍福徵  
之入朝文泰稱疾不至太宗乃命吏部尙書侯君集爲

交河道大總管率左屯衛大將軍薛萬均

薩孤吳仁副之契苾何力

爲葱山道副大總管武衛將軍牛進達爲行軍總管

及突厥契苾之衆步騎數萬

衆以擊之時公卿近臣皆以行經沙磧萬里用兵恐難

得志又界居絕域縱得之不可以守競以爲諫太宗皆

不聽文泰謂所親曰吾往者朝覲見秦隴之北城邑蕭

條非復有隋之比設今伐我發兵多則糧運不給若發

三萬以下吾能制之加以磧路艱險自然疲頓吾以逸

待勞坐收其弊何足爲憂也及聞王師臨磧口惶駭計

無所出發病而死其子智盛嗣立旣而君集兵奄至柳

谷進趨田地城將軍契苾何力爲前軍與之接戰而退

是夜星大軍繼之攻拔其城虜男女七千餘口進逼其

都中郎將辛僚兒以智盛移君集書曰有罪於天子者

先王也咎深譴積身已喪亡智盛襲位無幾君其赦諸

君集謂曰若能悔過當面縛軍門也智盛不答又命諸軍引

衝車拋車以逼之飛石雨下城中大懼智盛窮蹙出城

降知盛令大將麴士義居守身與綰曹麴德俊謁軍門請改事天子君集諭使降辭未屈薛萬均勃然起曰

當先取城小兒何與語麾而進智盛流汗伏地曰唯公命乃降君集分兵掠地下其三

郡五縣二十二城戶八千口三萬七千七百馬四千三

百匹其界東西八百里南北五百里先是其國童謠云

高昌兵馬如霜雪漢家兵馬如日月日月照霜雪迴首



自消滅文泰使人捕其初唱者不能得初文泰與西突厥欲谷設通和遺其金帛約有急相爲表裏及聞君集兵至欲谷設懼而西走不敢救君集尋遣使告捷太宗大悅宴百寮班賜各有差曲赦高昌部內從軍兵士已

上父子犯死罪已下葭親犯流已下大功犯徒已下小

功總麻犯杖罪悉原之時太宗欲以高昌爲州縣

號西昌州

特進魏徵諫曰陛下初臨天下高昌夫婦先來朝謁自後數月商胡被其遏絕貢獻加之不禮大國遂使王誅載加若罪止文泰斯亦可矣未若撫其人而立其子所謂伐罪弔民威德被於遐方爲國之善者也今若利其

土壤以爲州縣常須千餘人鎮守數年一易每及交蕃死者十有三四遣辦衣資離別親戚十年之後隴右空虛陛下終不得高昌撮穀尺布以助中國所謂散有用而事無用臣未見其可太宗不從竟以其地置西州

西改

昌州曰西州

又置安西都護府留兵以鎮之

歲調千兵謫罪人以戍黃門侍

郎褚遂良諫曰古者先函夏後夷狄務廣德化不爭荒  
逃今高昌誅滅威動四夷然自王師始征河西供役飛  
米轉芻十室九匱五年未可復今又歲遣屯戍行李萬  
里去者資裝使自營辦賣菽粟傾機杼道路死亡尙不  
計罪人始於犯法終於惰業無益於行所遣復有亡命  
官司捕逮株蔓相率有如張掖酒泉塵飛烽舉豈得高  
昌一乘一卒及事乎必發隴右河西耳然則河西爲我  
腹心高昌他人手足也何必耗中華事無用告陛下平  
頡利吐谷渾皆爲立君蓋罪而誅之伏而立之百蠻所  
以畏威慕德也今宜擇高昌可立者立之召首領悉還

本土長爲滿翰中  
國不擾書聞不省  
初西突厥遣其葉護屯兵於可汗浮

圖城與高昌相影響至是懼而來降以其地爲庭州唐書

請歸高昌所奪  
五城留兵以守  
於是勒石紀功而旋其智盛君臣及其

豪右皆徙中國  
俘智盛君臣獻觀德殿行飲至禮誦三日麴氏有國至智盛

凡九世一百三十四年而滅尋拜智盛爲左武衛將軍

封金城郡公弟智湛爲右武衛中郎將天山縣公及太

宗崩刊石像智盛之形列於昭陵元闕之下智湛麟德

中終於左驍衛大將軍西州刺史  
贈涼州都督有子昭好學有鬻異書者母

顧笥中金歎曰何愛此不使子有異聞乎盡持易之昭歷司廡卿頗能辭章弟崇裕有武藝永徽中爲右武衛

翊府中郎將天授初其子崇裕授左武衛大將軍交河郡王

邑至三千戶終

卒

武后爲舉哀

封襲遂絕

吐谷渾其先居於徒河之清山屬晉亂始度隴止於甘  
松之南洮水之西南極白蘭地數千里有城郭而不居  
隨逐水草廬帳爲室以肉酪爲糧其官初有長史司馬  
將軍近代已來有王公僕射尙書郎中其俗頗識文字  
其王椎髻黑冒妻錦袍織裘金薨節首 男子通服長裙繒帽或戴髻離婦  
人以金花爲首飾辨髮縈後綴以珠貝其婚姻富家厚  
出聘財貧人竊女而去父卒妻其庶母兄亡妻其諸嫂  
喪有服制葬訖而除國無常稅用度不給輒斂富室商  
人以取足而止殺人及盜馬者罪死他犯則徵物以贖

罪氣候多寒土宜大麥蔓菁頗有菽粟出良馬犛牛銅  
鐵未砂之類有青海周迴八百里中有小山至冬放牝  
馬於其上言得龍種嘗得波斯馬放入海因生驄駒能  
日行千里故代稱青海驄馬地兼鄯善且沫西北有流  
沙數百里夏有熱風傷弊行旅風之將至老駝便知之  
則引項而鳴以口鼻埋沙中人以爲候卽以羶擁蔽口  
鼻而避其患隋煬帝時其王伏允號步薩鉢來犯塞煬帝親  
搃六軍以討之遣鐵勒敗之壁西平復命觀王雄破其衆伏允以數十騎潛  
於泥嶺而遁其仙頭王率男女十餘萬口來降煬帝立  
其質子順太宗紀名順光爲王送之本國令統餘衆尋復追還

大業末伏允悉收故地復爲邊患高祖受禪順自江都來歸長安時李軌猶據涼州高祖遣使與伏允通和令擊軌以自効當放順返國伏允大悅與兵擊之戰於庫門交綏而退頻遣使朝貢以順爲請高祖迺遣之順至號爲大寧

王太宗卽位伏允遣其洛陽公來朝使未返大掠鄯州

而去太宗遣使責讓之徵伏允入朝稱疾不至仍爲其

子尊王求婚於是責其親迎以羈縻之尊王又稱疾不

肯入朝有詔停婚遣中郎將康處直新書諭以禍福伏

允遣兵寇蘭廓二州又掠岷州都督李道彥擊走之執名王二斬級七百連歲遣名王朝

俄寇涼州時鄯州刺史李元運上言吐谷渾良馬悉牧青海

輕兵掩之可致大利於是遣左驍衛大將軍段志元率邊兵及契苾党項之衆以擊之去青海三十里志元與左驍衛將軍梁洛仁不欲戰頓軍遲留不進吐谷渾遂驅青海牧馬而遁亞將李君羨率精騎別路及賊於青海之南懸水鎮擊破之虜牛羊二萬餘頭而還時伏允年老昏耄其邪臣天柱王惑亂之拘我行人鴻臚丞趙德楷太宗頻遣宣諭使者十餘返竟無悛心貞觀九年詔特進李靖爲西海道行軍大總管兵部尙書侯君集爲積石道行軍總管任城王道宗爲鄯州道行軍總管仍爲靖副涼州都督李大亮爲且沫道行軍總管岷州

都督李道彥爲赤水道行軍總管利州刺史高甌生爲

鹽澤道行軍總管并突厥契苾之衆以擊之党項內屬羌及吐州

羌皆殺刺諸將頻與賊遇連戰破之夏四月道宗破伏

史歸伏允百伏允謀入積疲唐兵燒野草故靖馬多饑道宗曰柏

海近河源古未有至者伏允首走未知其在方馬塵繼

乏難遠入不如按軍鄯州吐谷渾兵輒傳城彼國方完逆衆

用命也今虜大敗斥候無在君臣相失我乘其困可以

得志柏海雖遠可鼓而致也靖曰善分二軍靖與大亮

薛萬均以一軍趣北出其右君集道宗以一軍趣南出

其左靖將薩孤吳仁以輕騎戰曼都山斬名王獲五百  
級諸將戰牛源獲其高昌王慕容孝雋孝雋有雄畧伏允  
心膂之臣也靖等進至赤海遇其天柱三部落擊大破  
之收雜畜二十萬遂歷於河源李大亮又俘其名王二十人雜



畜數萬至且沫西境或傳伏允西走渡圖倫磧欲入于  
闐將軍薛萬均率輕銳追奔入磧數百里及其餘黨破  
之磧中乏水將士皆刺馬血而飲之侯君集與江夏王  
道宗趣南路登漢哭山飲馬烏海獲其名王梁屈怒經  
塗二千餘里空虛之地盛夏降霜多積雪其地乏水草  
將士噉冰馬皆食雪閱月次星宿州又達於柏海北望積石山  
觀河源之所出焉執失思力馳破虜車重兩軍會於大非川至破

邏貞谷伏允子大寧王順窮蹙斬其國相天柱王舉國  
來降伏允大懼與千餘騎遁於磧中衆稍亡散能屬之  
者纔百餘騎乃自縊而死國人乃立順爲可汗稱臣內

附順卽伏允之嫡子也初爲侍子於隋拜金紫光祿大夫久不得歸伏允遂立他子爲太子及得返國意常怏怏會李靖等諸軍所向剋捷自以失位欲因此立功由是遂降乃詔曰吐谷渾擅相君長竊據荒裔志在凶德政出權門首渠攜貳種落怨憤長惡不悛野心彌熾莫顧藩臣之禮曾無事上之節草竊疆場虐割兆庶積惡旣稔天亡有徵朕君臨四海含育萬類一物失所責深在予所以爰命六軍申茲九伐義存活國情非黷武其子大寧王慕容順隋氏之甥志懷明悟長自中土幸慕華風爰見時機深識順逆以其悞諫違衆獨陷迷途遂

誅邪臣存茲大計翻然改轍代父歸罪忠孝之美深有

可嘉子能立功足以補過既往之釁特宜原免然其建

國西鄙已歷年代卽從廢絕情所未忍繼其宗祀允歸

命肩可封順爲西平郡王仍授趙胡呂烏甘豆可汗太

宗恐順不能靖其國仍遣李大亮率精兵數千爲其聲

援順旣久質於隋國人不附未幾爲臣下所殺其子燕

王諾曷鉢嗣立諾曷鉢旣幼大臣爭權國中大亂太宗

遣兵援之帝詔侯君集就經紀之始請頒麻及子弟入侍封爲河源郡王仍授

烏地也拔勒豆新書足可汗遣淮陽王道明持節册拜賜

以鼓纛諾曷鉢因入朝請婚獻馬牛羊萬十四年太宗

以宗室

宏化公主妻之資送甚厚

詔道明及右武衛將軍慕容寶持節送公主

十五年諾曷鉢所部丞相

宣王專權陰謀作難將徵

兵詐言祭山神因欲襲擊公主劫諾曷鉢奔於吐蕃期

有日矣諾曷鉢知而大懼率輕騎走鄯善城其威信王

以兵迎之鄯州刺史杜鳳舉

果毅都尉席君賈

與威信王合軍

擊丞相王破之殺其兄弟三人遣使言狀太宗命民部

尚書唐儉

中書舍人馬周

持節撫慰之太宗崩刻石圖諾曷鉢

之形列於昭陵之下高宗嗣位以其尚主拜駙馬都尉

賜物四十段

又獻名馬帝問馬種性使者曰國之最良者帝曰良馬人所愛詔還其馬公主表請

入朝遣右驍衛將軍鮮于匡濟迎之十一月及諾曷鉢至京師帝又以宗室女金城縣主妻其長子蘇度摸末

拜左領軍衛大將軍久之摸未死王與次子左武衛大將軍梁漢王闔盧摸未來請婚帝以宗室女金明縣主

妻其後與吐蕃互相攻伐上書相各遣使請兵救援高

宗皆不許之吐蕃大怒率兵以擊吐谷渾吐谷渾大臣素知貴奔吐

蕃言其情吐蕃出兵黃河上諾曷鉢既不能禦脫身及宏化公

主走投涼州帝遣左武衛大將軍蘇定方為安集大使

乾封初更封青海國王帝欲徙其其部於涼州之南山羣臣議難之高宗咸亨元年遣右威衛

大將軍薛仁貴等為羅娑道行軍大總管左衛負外大將軍阿史那道真左衛將軍郭待封

副之總救吐谷渾且納諾曷鉢於故庭為吐蕃所敗王師敗於大非川於

是吐谷渾遂為吐蕃所併諾曷鉢以親信數千帳來內

屬三年乃徙治臈水南諾曷鉢以吐蕃盛勢不抗而鄯州地狹詔左武衛大將軍蘇

吐蕃盛勢不抗而鄯州地狹

定方爲安置大使

案蘇定方傳定方卒於乾封二年始不當在咸亨後當從新書在前

始

徙其部衆於靈州之地置安樂州以諾曷鉢爲刺史欲

其安而且樂也垂拱四年諾曷鉢卒子忠嗣卒子宣趙

新書超下同

嗣聖歷三年授宣趙左豹韜衛負外大將軍仍

襲父烏地也拔勒豆可汗

餘部詣涼甘肅瓜沙等州降宰相張錫與右武衛大將軍

唐休璟議徙其人於秦隴豐靈間令不得叛去涼州都督郭元振以爲吐谷渾近秦隴則與監牧雜處置豐靈又邇默啜假在諸華亦不遠移其性也前日王孝傑自河源軍徙耽爾乙句貴置靈州旣其叛乃入牧坊掠羣馬癩夷州縣是則遷中土無益之成驗往素和貴叛去於我無損但失吐谷渾數十部豈與句貴比邪今降虜非強服皆突刃棄吐蕃而來宜常循其情爲之制也當甘肅瓜沙降者卽其所置之因所投而居情易安磔數州則勢自分順其情分其勢不擾於人可謂善奪戎心者也歲遣鎮遏使者與宣超兄弟撫護之無令相侵

奪生業固矣有如叛去無損中國詔可

宣趙卒子曦皓嗣曦皓卒子兆嗣

及吐蕃陷我安樂州其部衆又東徙散在朔方河東之

境今俗多謂之退渾蓋語急而然貞元十四年十二月

以朔方節度副使左金吾衛大將軍同正慕容復爲襲

長樂州都督青海國王烏地也拔勒豆可汗未幾卒其

封襲遂絕吐谷渾自晉永嘉之末始西度洮水建國於

羣羌之故地至龍朔三年爲吐蕃所滅凡三百五十年

焉耆國在京師西四

新書七此疑誤

千三百里

橫六百里縱四百里

東接

高昌西鄰龜茲

南尉犁北烏孫

卽漢時故地其王姓龍氏名突

騎支勝兵二千餘人

戶四千

常役屬於西突厥其地良沃

運渠溉田

土宜黍

多蒲萄頗有魚鹽之利

俗

祝髮璵衣尙娛遊二月脚出野祀四月

望日游林七月七日祀生祖十月望日王始出遊至歲盡止

貞觀

六年突騎支遣使

貢方物復請開大磧路以便行李太宗許之自隋末罹

亂磧路遂閉西域朝貢皆由高昌及是高昌大怒遂與

焉耆結怨遣兵襲焉耆大掠而去西突厥莫賀設與咄

陸弩失畢不協奔於焉耆咄陸復來攻之六年遣使言

狀并貢名馬時西突厥國亂太宗遣中郎將桑孝彥領

左右胄曹韋宏機往安撫之仍冊立啞利失可汗可汗

旣立素善焉耆令與焉耆爲援十二年處月處密與高

昌攻陷焉耆五城掠男女一千五百人焚其廬舍而去



十四年侯君集討高昌遣使與之相結焉者王大喜請  
爲聲援及破高昌其王詣軍門稱謁焉者人先爲高昌  
所虜者悉歸之由是遣使謝恩并貢方物其年西突厥  
重臣屈利啜爲其弟娶焉者王女由是相爲唇齒朝貢  
遂闕安西都護郭孝恪請擊之太宗許焉會焉者王弟  
頡鼻

栗婆準

葉護兄弟三人來至西州

帝卽命孝恪爲西州道總管

孝

恪選步騎三千出銀山道以頡鼻弟栗婆準爲鄉導焉

者所都城

周三十里

四面有水

四面大山海水繚其外

自恃險固不虞

於我孝恪倍道兼行夜至城下潛遣將士浮水而渡至  
曉一時攀堞鼓角齊震城中大擾孝恪縱兵擊之虜其

王突騎支首虜千餘級以栗婆準導軍有功留攝國事

而還時駕幸洛陽宮

帝語近臣曰孝恪以八月十一日詣焉者閏二旬可至當以二十二日

破之使者今至矣俄而遼人以捷布聞

孝恪鑣突騎支并其妻子送行在

所詔宥之初西突厥屈利啜將兵來援焉者孝恪還師

三日屈利啜乃囚栗婆準而西突厥處般啜令其吐屯

來攝焉者遣使朝貢太宗數之曰焉者者我兵擊得汝

何人輒來統攝吐屯懼而返國焉者又立栗婆準從父

兄薛婆阿那支為王

號磨干

處般啜乃執栗婆準送於龜

茲為所殺薛婆阿那支既得處般啜為援遂有國及阿

史那社爾之討龜茲阿那支大懼遂奔龜茲保其東城

以禦官軍社爾擊擒之數其罪而斬焉求得阿那支從

父弟先那準

新書突騎支弟婆伽利

立爲王

以其地爲焉耆都督府

以修職

貢及太宗葬昭陵乃刻石像龍突騎支之形列於元闕之下自是朝貢不絕

龜茲國

一曰邱茲一曰屈茲

卽漢西域舊地也在京師西七千五

百里

自焉耆西南步一百里度小山經大河二又步七百里乃至橫千里縱六百里

其王姓白

氏有城郭屋宇耕田畜牧爲業

土宜麻麥杭稻葡萄出黃金

男女皆

剪髮垂與項齊

俗善歌樂產子以木壓首

唯王不剪髮學胡書及婆

羅門書算計之事尤重佛法其王以錦蒙項著錦袍金

寶帶坐金獅子牀

居伊邏城北倚阿羯田山亦曰白山常有火歲朔鬪羊馬橐它七日觀勝

負以下歲盈耗云有良馬封牛饒蒲萄酒富室至數百碩葱領

俗喜淫龜茲子闔高祖卽位其主蘇伐勃駛遣使來朝

置女肆征其錢勃駛尋卒子蘇伐疊代立號時健莫賀俟利發貞觀四

年又遣使獻馬太宗賜以璽書撫慰甚厚出此歲貢不

絕然臣於西突厥安西都護郭孝恪來伐焉耆龜茲遣

兵援助自是職貢頗闕伐疊死其弟訶黎布失畢代立

漸失藩臣禮二十一年兩遣使朝貢然帝怒其佐焉耆

陰精用刑兆也太宗遣左驍衛大將軍阿史那社爾爲

星胡分數且終崑山新書道行軍大總管契苾何與安西都護郭孝恪

司農卿楊宏禮左武衛將軍率五將軍又發鐵勒十三

李海岸等

部兵十餘萬騎以伐龜茲社爾旣破西蕃處月處密乃  
進師趨其北境出其不意西突厥所署焉耆王

阿那支

奔

城而遁社爾遣輕騎追擒之龜茲大震守將多棄城而  
走社爾進屯積石去其都城三百里遣伊州刺史韓威  
率千餘騎爲前鋒右驍衛將軍曹繼叔次之西至多褐  
城與龜茲王相遇及其相那利羯獵顛等有衆五萬逆  
拒王師威乃僞遁而引之其王俟利發見威兵少悉衆  
而至威退行三十里與繼叔軍會合擊大破之

追奔八  
十里

其王退保都城社爾進軍逼之王乃輕騎而走遂下其  
城令孝恪守之遣沙州刺史蘇海政尙輦奉御薛萬備

以精騎逼之行六百里其王窘急退保於撥換城社爾

等進軍圍之擒其王及大將羯獵顛等其相那利僅以

身免潛引西突厥之衆并其國兵萬餘人來襲孝恪及

殺之官軍大擾倉部郎中崔義起與曹繼叔韓威等擊

之斬首三千級那利敗哀亡散復振那利敗走尋爲龜

茲人所執以詣軍前後破其大城五所虜男女數萬口

遣使者諭降小城七百餘西域社爾因立其王之弟葉

護爲王勒石紀功而旋書開帝喜見羣臣從容曰夫樂

樂也飾金翠羅紈婦人樂也賈遷有無商賈樂也高官

厚秩士大夫樂也戰無前敵將帥樂也四海寧一帝王

樂也朕今樂矣遂徧觴之初孝恪之擊焉書也龜茲俘

有浮屠善數數曰唐家終有西域不數年吾國亦亡

其王訶黎布失畢及那利羯獵顛等獻於社廟

帝受俘紫微殿

帝責謂羣臣皆頓首伏詔赦罪改館鴻臚寺

尋以訶黎布失畢爲左武翼衛

中郎將那利已下授官各有差太宗之葬昭陵乃刻石

像其形列於元闕之前永徽元年又以訶黎布失畢爲

右驍衛大將軍尋放還蕃撫其餘衆依舊爲龜茲王賜

物一千段

與那利羯獵顛還國久之王來朝那利悉其妻阿史那王不能禁左右請殺之由是更擗

忌使者言狀帝并召至京師囚那利護遣王還羯獵顛拒不內遣使降賀魯王不敢進悒悒死詔左屯衛大將

軍楊胄發兵禽羯獵顛窮誅部黨以其地爲龜茲都督府更立子素稽爲王授右驍衛大將軍爲都督是歲徙

安西都護府於其國

先是太宗旣破龜茲移置安西都護府於其

國城以郭孝恪爲都護兼統于闐踈勒碎葉謂之四鎮

高宗嗣位不欲廣地勞人復命有司棄龜茲等四鎮移

安西依舊於西州

卽拜左驍衛大將軍兼安西都護麴智湛爲都督西域平帝遣使者分行

諸國風俗物產詔許敬宗與史官撰西域圖志上元中素稽獻銀頗羅名馬

其後吐蕃大入

焉耆已西四鎮城堡并爲賊所陷則天臨朝

天授三年王延田跌

來朝長壽元年武威軍總管王孝傑阿史那忠節大破吐

蕃克復龜茲于闐等四鎮自此復於龜茲置安西都護

府用漢兵三萬人以鎮之旣徵發內地精兵遠逾沙磧

并資遣衣糧等甚爲百姓所苦言事者多請棄之則天

竟不許

開元七年王白莫苾死于多市立改名孝節十八年遣弟孝義來朝

其安西都護

則天時有田揚名中宗時有郭元振開元初則張孝嵩



杜暹皆有政績爲夷人所伏

自龜茲贏六百里踰小沙磧有跋祿迦小國也一曰

亟墨卽漢姑墨國橫六百里縱三百里風俗文字與龜茲同言語少異出細犂褐西三百里度石磧至凌山葱嶺北原也水東流春夏山谷積雪西北五百里至素葉水城北國商胡雜居素葉以西數十城皆立君長役屬突厥自素葉水城至羯霜那國衣犂褐皮氈以繒繅額素葉城西四百里至千泉地贏二百里南雪山三垂平陸多泉池因名之突厥可汗歲避暑其中羣鹿飾鈴環可狎也西贏百里至咀邏私城亦比國商胡雜居有小城三百本華人爲突厥所掠羣保此尙華語西南贏二百里至白水城原隰膏腴南五十里有窻赤建國廣千里地沃宜稼多葡萄

又二百里卽石國

踈勒國卽漢時舊地也

環五千里

西帶葱嶺在京師西九千

三百里

多沙磧少壤土俗尙詭詐生子亦夾頭取福其人文身碧瞳

其王姓裴氏號

阿摩支居

迎師城 貞觀中突厥以女妻王勝兵二千人俗事祇

神有胡書文字貞觀九年遣使獻名馬自是朝貢不絕

又四年與朱俱波甘棠貢方物太宗謂房元齡等曰曩

之一天下克勝四夷惟秦皇漢武耳朕提三尺劍定四

輔遠夷率服不減二君者然彼末路不自保公等宜相

開元十六年元宗遣使遣大理正喬夢册立其王裴安

定爲踈勒王天寶十二載首領裴國良來朝授折衝都

合國也并有西夜蒲犁依耐得若四種地直于圖西千

里葱嶺北三百里西距渴盤陀北九百里屬踈勒南三

千里女國也勝兵二千人尙浮屠法文字同婆羅門甘

棠在海南崑崙人也渴盤陀或曰漢陀曰渴館檀亦謂

渴羅陀由踈勒西南入劍末谷不忍嶺六百里其國也

距瓜州四千五百里直朱俱波西南距懸度山北抵踈

勒西護密西北判汗國也治葱嶺中都城負徒多河勝

兵千人其王本踈勒人世相承爲之西南卽頭痛山也

葱嶺俗號極疑山環其國人勁悍貌言如于闐其法殺

人剝刼者死餘得贖賦必輸服飾王坐人牀後魏太延

中始通中國貞觀九年遣使者來朝開元  
中破平其國置葱嶺守捉安西極邊戍也

于闐國

或曰瞿薩旦那亦曰換那曰屈丹北狄曰于遁諸胡曰豁旦

西南帶葱嶺與

龜茲接在京師西九千七百里

距瓜州羸四千里并有漢戎盧杆彌渠勒皮山

五國故地其勝兵四千人其國出美玉

有玉河國人夜視月光盛處必

得美玉

俗多機巧

言迂

好事祆神崇佛教

貌恭謹相見皆跪以木爲華玉

爲印凡得問遺書戴於首乃發之自漢武帝以來中國詔書符節其王傳以相授人喜歌舞工紡績西有沙磧鼠大如蝟色類金出入羣鼠爲從初無桑蠶丐鄰國不肯出其王卽求婚許之將迎乃告曰國無帛可持蠶自爲衣女聞置蠶帽絮中開守不敢驗自是始有蠶女刻石約無殺蠶蛾飛盡得治繭先臣於西突厥王居其王姓尉遲氏名屈新書密貞觀六年遣使獻

玉帶太宗優詔答之十三年

新書後三年

又遣子入侍及阿

史那社爾伐龜茲其王伏闕信大懼使其子以駝萬

新書

無萬字

三百匹饋軍及將旋師行軍長史薛萬備謂社爾

曰今者旣破龜茲國威已振請因此機願以輕騎羈取

于闐之王社爾乃遣萬備率五十騎抵于闐之國萬備

陳國威靈勸其入見天子伏闕信於是隨萬備來朝高

宗嗣位拜右驍衛大將軍又授其子葉護玷爲右驍衛

將軍並賜金帶錦袍布帛六千段并宅一區留數月而

遣之因請留子弟以宿衛太宗葬昭陵刻石像其形列

於元闕之下

上元初身率子弟首領七十人來朝擊吐蕃有功帝以其地爲毗沙都督府析十州

授伏闕雄都督

垂拱三年其王伏闕雄復來入朝天授三年伏

闍雄卒則天封其子璿爲于闐國王

開元時獻馬駝豹

開元十

六年復册立尉遲伏師

新書名伏師戰

爲于闐王數遣使朝貢

死伏闍達嗣并册其妻執失爲妃死尉遲珪嗣妻馬爲妃珪死子勝立

乾元三年以于闐

王尉遲勝弟守左監門衛率葉護曜爲太僕員外卿仍

同四鎮節度副使權知本國事以勝至德初領兵赴國

難因堅請留宿衛故有是命事在勝傳

于闐東三百里有建德力河七

百里有精絕國河之東有汗彌居達德力城亦曰拘彌城卽寧彌故城皆小國也初德宗卽位遣內給事朱如玉之安西求玉於于闐得圭一珂佩五枕一帶勝三百簪四十奩三十劍十杵三瑟瑟百斤并他寶等及還詐言假道回紇爲所奪久之事泄得所市流死恩州

天竺國卽漢之身毒國

或曰摩伽陀

或云婆羅門地也

去京師九

千六百里都護治所二千八百里

在葱嶺西北

新書葱嶺南

周三萬餘里其

中分爲五天竺其一曰中天竺二曰東天竺三曰南天

竺四曰西天竺五曰北天竺地各數千里城邑數百南

天竺際大海

出師子豹獐橐它犀象火齊琅玕石蜜黑鹽

北天竺距雪山四

周有山爲壁南面一谷通爲國門東天竺東際大海與

扶南林邑鄰接西天竺與蜀賓波斯相接中天竺據四

天竺之會其都城

曰茶鐔和羅

週迴七十餘里北臨禪連河

新書迦毗黎河

云昔有婆羅門領徒千人肄業於樹下樹神降

之遂爲夫婦宮室自然而立僮僕甚盛於是使役百神

築城以統之經日而就此後有阿育王復役使鬼神累

石爲宮闕皆雕文刻鏤非人力所及阿育王頗行苛政

置炮烙之刑謂之地獄今城中見有其迹焉中天竺王

姓乞利唎氏或云刹利氏世有其國不相篡弒有別城數百皆

置長別國數十置王曰舍衛曰迦沒路開戶皆東嚮曰迦尸或曰波羅奈亦曰波羅那斯其畜有稍割牛黑色

角細長四尺許十日一割不然困且死厥土卑濕暑熱

人飲其血或曰壽五百歲牛壽如之稻歲四熟禾之長者有金剛似紫石英百鍊不銷可以

切玉又有旃檀鬱金諸香通於大秦故其寶物或至扶

南交趾貿易焉百姓殷樂俗無簿籍耕王地者輸地利

以齒貝爲貨人皆深目長鼻致敬極者舐足摩踵家有

奇樂倡伎其王與大臣多服錦罽上爲螺髻於頂餘髮

剪之使拳

男子穿耳垂璫或懸金耳緩者爲上婦人頂飾金銀珠纓絡

俗皆徒跣衣

重白色唯梵志種姓披白疊以爲異死者或焚屍取灰

以爲浮圖或委之中野以施禽獸或流之於河以飼魚

鼈無喪紀之文謀反者幽殺之小犯罰錢以贖罪不孝

則斷手刖足截耳割鼻放流邊外有文字善天文算麻

之術其人皆學悉曇章云是梵天法書於貝多樹葉以

紀事不殺生飲酒國中往往有舊佛跡

信盟誓傳禁咒能致龍起雲雨

隋煬帝時遣裴矩應接西蕃諸國多有至者唯天竺不

通帝以爲恨當武德中其國大亂其嗣王尸羅逸多練

兵聚衆所向無敵象不解鞍人不釋甲居六載而四天



竺之君皆北面以臣之威勢遠振政刑甚肅

會唐浮屠元奘至其

國尸羅逸多召見曰而國有聖人出作秦王破陣樂試爲我言其爲人元奘粗言太宗神武平禍亂四夷賓服狀王喜曰我貞觀十五年尸羅逸多自稱摩伽陀王遣

當東面朝之使朝貢太宗降璽書慰問

命雲騎尉梁懷璉持節慰撫

尸羅逸多大

驚問諸國人曰自古曾有摩訶震旦使人至吾國乎皆

曰未之有也

戎言中國爲摩訶震旦

乃膜拜而受詔書

戴之頂

因遣

使朝貢太宗以其地遠禮之甚厚復遣衛尉丞李義表報使尸羅逸多遣大臣郊迎傾城邑以縱觀焚香夾道逸多率其臣下東面拜受敕書復遣使獻火珠及鬱金香菩提樹貞觀十年沙門元奘至其國將梵本經論六

百餘部而歸先是遣右率府長史王元策

以蔣師仁爲副

使天

竺其四天竺國王咸遣使朝貢會中天竺王尸羅逸多

死國中大亂其臣那伏帝阿羅那順篡立乃盡發胡兵

以拒元策元策從騎三十人與胡禦戰不敵矢盡悉被

擒胡並掠諸國貢獻之物元策乃挺身宵遁走至吐蕃

發精銳一千二百人并泥婆羅國七千餘騎以從元策

元策與副使蔣師仁率二國兵進至中天竺國城

茶鑄和羅

城連戰三日大破之斬首三千餘級赴水溺死者且萬

人阿羅那順棄城而遁

合散兵復陣

師仁進擒獲之

除衆奉王妻息

阻乾陀衛江師仁擊之

大潰獲其如王子

虜男女萬二千人牛馬三萬餘頭

匹降城邑五於是天竺震懼

東天竺王尸鳩摩送牛馬三萬餽軍及弓刀寶纓絡

俘阿羅那順以歸二十二年至京師太宗大悅命有司告宗廟而謂羣臣曰夫人耳目玩於聲色口鼻耽於臭

味此乃敗德之源若婆羅門不劫掠我使人豈爲俘虜

耶昔冲山以貪寶取弊蜀侯以金牛致滅莫不由之拜

元策朝散大夫是時就其國得方士那羅邇娑婆寐自

言壽二百歲云有長生之術太宗深加禮敬館之於金

鷲門內造延年之藥令兵部尙書崔敦禮監主之發使

天下採諸奇藥異石不可稱數

又使者走婆羅門諸國所謂啡茶法水者出石

日中有石象人守之水有七種色或熱或冷能消草木金鐵人手入輒爛以煮它觸體轉注瓠中有樹名咀賴

羅葉如梨生窮山岷腹前有巨虺守穴不可到欲取葉者以方鏃矢射枝則落爲羣鳥銜去則又射乃得之其詭譎類延歷歲月藥成服竟不効後放還本國不能去死長安

高宗時盧伽逸多者東天竺烏茶人亦以術進拜懷化大將軍太宗之葬昭陵也刻石

像阿羅那順之形列於元闕之下五天竺所屬之國數

十風俗物產略同有迦没路國其俗開東門以向日王

元策至其王發使貢以奇珍異物及地圖因請老子像

及道德經那揭陀國有醯羅城中有重閣藏佛頂骨及

錫杖貞觀二十年遣使貢方物天授二年新書乾封三年東天

竺王摩羅枝摩西天竺王尸羅逸多南天竺王遮婁其

拔羅婆北天竺王婁其那那中天竺王地婆西那並來

朝獻景龍四年南天竺國復遣使來朝景雲元年復遣使貢方物開元二年西天竺復遣使貢方物八年南天竺國遣使獻五色能言鸚鵡其年南天竺國王尸利那羅僧伽請以戰象及兵馬討大食及吐蕃等仍求名其軍元宗甚嘉之名軍爲懷德軍

使者曰蕃夷惟以袍帶爲寵帝以錦袍金革帶

魚袋并七事賜之

九月南天竺王尸利那羅僧伽寶多枝摩爲

國造寺上表乞寺額敕以歸化爲名賜之十一月遣使册利那羅伽寶多爲南天竺國王遣使來朝十七年六月北天竺國藏沙門僧密多獻質汗等藥十九年十月中天竺國王伊沙伏摩遣其大德僧來朝貢二十九年

唐書卷一百一十五  
三月中天竺王子李承恩來朝授游擊將軍放還天寶  
中累遣使來

摩揭它一曰摩伽陀本中天竺屬國環五十里土沃宜  
稼穡有異稻巨粒號供大人米王居拘闍揭羅布羅城  
或曰俱蘇摩補羅曰波吒釐子城北瀕菴伽河貞觀二  
十一年始遣使者自通於天子獻波羅樹樹類白楊太  
宗遣使取熬糖法卽詔揚州上諸蔗拊潘如其劑色味  
愈西域遠甚高宗又遣王元策至其國摩訶菩提祠立  
碑焉後德宗自製鍾銘賜那爛陀祠又有那揭者亦屬  
國也貞觀二十年遣使者貢方物烏茶者一曰烏伏那

亦曰烏菴直天竺南地廣五千里東距勃律六百里西  
屬賓四百里山谷相屬產金鐵蒲萄鬱金稻歲熟人柔  
詐善禁架術國無殺刑抵死者放之窮山罪有疑飲以  
藥視溲清濁而決輕重有五城王居術曹藥利城一曰  
曹揭釐城東北有達麗羅川卽烏菴舊地貞觀十六年  
其王達摩因隄訶斯遣使者獻龍腦香璽書優答大食  
與烏菴東鄙接開元中數誘之其王與骨咄俱位二王  
不肯臣元宗命使者冊爲王章求拔國或曰章揭拔本  
西羌種居悉立西南四山中後徙山西與東天竺接衣  
服略相類因附之地袤八九百里勝兵二千人無城郭

好鈔暴商旅患之貞觀二十年其王羅利多菩伽因悉立國遣使者入朝元策之討中天竺發兵來赴有功由是職貢不絕悉立當吐蕃西南戶五萬城邑多傍澗谿男子繪束頭衣羶褐婦人辮髮短裙昏姻不以財聘其穀宜杭稻麥豆死者塋於野不封樹喪制爲黑衣滿年而除刑有刑劓常羈屬吐蕃

罽賓國

隋漕國也

在葱嶺南去京師萬二千二百里

南距舍衛三千

里王居修鮮城

常役屬於大月氏其地暑濕人皆乘象土宜杭

稻草木凌寒不死其俗尤信佛法隋煬帝時引致西域前後至者三千餘國唯罽賓不至

武德二年遣使貢寶帶金鎖水精釀頗黎



狀若酸棗 貞觀十一年遣使獻名馬太宗嘉其誠欸賜以繒

綵太宗語大臣曰朕始即位或言天子欲耀兵振伏四夷唯魏徵勸我修文德安中夏中夏安遠人伏矣今

天下大安四夷君長皆來獻此徵力也遣果毅何處羅拔等厚齎賜其國并撫尉天竺處羅拔至罽賓王東向

稽首再拜仍遣人導護使者至天竺十六年又遣使獻褥特鼠喙尖而尾

赤能食蛇有被蛇螫者鼠輒嗅而尿之其瘡立愈顯慶

三年訪其國俗云王始祖馨孽至今曷擷支父子傳位

已十二代其年改其城為修鮮都督府龍朔初新書作神龍初

疑授其王修鮮等十一州諸軍事兼修鮮都督開元七

年遣使來朝進天文經一夾祕要方并蕃藥等物詔遣

冊其王為葛羅達支特勒二十七年其王烏散特勒灑

以年老上表請以子拂菻屬婆嗣位許之仍降使册命

天寶四年又册其子勃匄準爲襲屬賓及烏菴國王仍

授左驍衛將軍乾元元年又遣使朝貢又有勃律國在

屬賓吐蕃之間開元中頻遣使朝獻八年册立其王蘇

麟陀逸之爲勃律國王朝貢不絕二十二年爲吐蕃所破

康國卽漢康居之國也一曰薩末韃亦曰颯秣建元魏所謂悉萬斤者其南距史百五

十里西北距西曹百餘里東南屬米百里北中曹五十里在那密水南大城三十小城三百其王姓

溫月氏君姓溫木月氏人先居張掖祁連山北昭武城爲突厥

所破南依葱嶺遂有其地枝庶分王曰安曰曹曰石曰米曰何曰火尋曰戊地曰史

世謂九姓枝庶皆以昭武爲姓氏不忘本也土沃宜禾出善馬兵強諸國

其人皆深目高鼻多鬚髯丈夫剪髮或辮髮其王冠瓊  
帽飾以金寶婦人盤髻幪以阜巾飾以金花人多嗜酒  
好歌舞於道路生子必以石蜜內口中明膠置掌內欲  
其成長口常甘言掌持錢如膠之黏物俗習胡書善商  
賈爭分銖之利男子年二十卽遠之傍國來適中夏利  
之所在無所不到以十二月爲歲首有婆羅門爲之占  
星候氣以定吉凶頗有佛法祠祇神出  
機巧技至十一月鼓舞

乞寒以水相潑盛爲戲樂隋煬帝時其王屈木支娶西  
突厥葉護可汗女遂臣於西突厥武德十年屈木支遣  
使獻名馬

貞觀五年遂請臣太宗曰朕惡取虛名害百姓且康臣我緩急當同其憂師行萬里寧朕

志邪卻 貞觀九年又遣使貢獅子太宗嘉其遠至命祕不受

書監虞世南爲之賦自此朝貢歲至十一年又獻金桃

銀桃詔令植之於苑囿高宗永徽時以其地爲康居都督府即授其王拂呼纓爲都督

萬歲通天年則天封其大首領篤婆新書鉢提爲康國

王仍拜左驍衛大將軍鉢提尋卒又册其子泥涅師師

爲康國王師師以神龍中卒國人又立突昏爲王開元

六年遣使貢獻鎖子甲水精杯馬腦瓶駝鳥卵及越諾

越諾侏儒胡旋女子之類其王烏勒伽與大食並戰不勝來乞師天子不許十九年其王

烏勒上表請封其子咄曷爲曹國王默啜爲米國王許

之二十七年烏勒卒遣使册咄曷襲父位天寶三年又

封爲欽化王其母可敦封爲郡夫人十一載十三載並

遣使朝貢

安者一日布諾又曰捕喝元魏謂忸窳者東北至東安西南至畢皆百里所西瀕烏許河

治阿濫謚城卽康居小君長屬王故地大城四十小堡千餘募勇健者爲柘羯柘羯者猶中國言戰士也武德

時遣使入朝貞觀初獻方物太宗厚慰其使曰西突厥

已降商旅可行矣諸胡大悅其王訶陵迦又獻名馬自

言一姓相承二十三世云是歲東安國亦入獻言子孫

相承十世云東安或曰小國曰喝汗在那密水之陽東

距河二百里許西南至大安西百里治喝汗城亦曰籛

斤大城二十小堡百顯慶時以阿濫爲安息州卽以其

王昭武殺爲刺史籛斤爲木鹿州以其王昭武閉息爲

刺史開元十四年其王篤薩波提遣弟阿悉爛達拂耽

發黎來朝納馬豹後入年獻波斯驥二拂菻繡毬一

鬱金香石蜜等其妻可敦獻柘辟大鞞毬一繡毬一

丐賜袍帶鎧仗及可敦袿襖裝澤東曹或曰率都沙那

蘇對沙那劫布咀那蘇都識匿凡四名居波悉山之陰

漢貳師城地也東北距俱戰提二百里北至石西至康

東北寧遠皆四百里許南至吐火羅五百里有野叉

城城有巨窟嚴以關鑰歲再祭人向窟立中即烟出先  
觸者死武德中與康同遣使入朝其使曰本國以臣爲  
健兒聞秦王神武欲隸麾下高祖大悅西曹者隋時曹  
也南接史及波覽治瑟底孤城東北越于底城有得悉  
神祠國人事之有金具器欸其左曰漢時天子所賜武  
德中入朝天寶元年王哥邏僕羅遣使者獻方物詔封  
懷德王即上言祖考以來奉天可汗願同唐人受調發  
佐天子征討十一載東曹王設阿忽與安王請擊黑衣  
大食元宗尉之不聽中曹者居西曹東康之北王治迦  
底真城其人長大工戰鬪石或曰柘支曰柘折曰緒時  
漢大宛北鄙也去京師九千里東北距西突厥西北波  
臘南二百里所抵俱戰提西南五百里東也圓干餘里  
右涯素葉河王姓石治柘折城故康居小王窟匿城地  
西南有藥殺水入中國謂之真珠河亦曰質河東南有  
大山生瑟瑟俗善戰多良馬隋大業初西突厥殺其王  
以特勒訶職統其國武德貞觀間數獻方物顯慶三年  
以瞰竭城爲大宛都督府授其王瞰土屯攝舍提于屈  
昭穆都督開元初封其君莫賀咄吐屯有功爲石國王  
二十八年又册順義王明年王伊捺吐屯屈勒上言今  
突厥已屬天可汗惟大食爲諸國忠請討之天子不許

天寶初封王子那俱車鼻施爲懷化王賜鐵券久之安  
西節度使高仙芝劾其無蕃臣禮請討之王約降仙芝  
遣使者護送至開遠門俘以獻斬闕下於是西域皆怨  
王子走大食乞兵攻怛邏斯城敗仙芝軍自是臣大食  
寶應時遣使朝貢有碎葉者出安西南地千里所得勃達  
嶺南抵中國北突騎施南鄙也西南至葱嶺贏二千里  
水南流者經中國入於海北流者經胡入於海北三日  
行度雪海春夏常雨雪由勃達嶺北行贏千里得細葉  
川東曰熱海地寒不凍西有碎葉城天寶七載北庭節  
度使王正見伐安西毀之川長千里有異姓突厥兵數  
萬耕者皆環甲相掠爲奴婢西屬怛邏斯城石常分兵  
鎮之自此抵西海矣三月訖九月未嘗雨人以雪冰旣  
田石東南千餘里有怖悍者山四環之地膏腴多馬羊  
西千里距堵利瑟那東臨葉山水出葱嶺北原色濁  
西北流入大磧無水草望大山尋遺齒知所指五百餘  
里卽康也米或曰彌未曰弭抹賀北百里距康其君治  
鉢息德城永徽時爲大食所破顯慶三年以其地爲南  
謚州授其君昭武開拙爲刺史自是朝貢不絕開元時  
獻璧舞筵師子胡旋女十八年大首領未野門來朝天  
寶初封其君爲恭順王母可敦郡夫人何或曰屈霜你

迦日貴霜匿卽康居小王附墨城故地城左有重樓北  
繪中華古帝東突厥婆羅門西波斯拂菻等諸王其君  
旦詣拜則退貞觀十五年遣使者入朝永徽時上言聞  
唐出師西討願輸糧於軍俄以其地爲貴霜州授其君  
昭武婆達地爲刺史遣使者鉢底失入謝火尋或曰貨  
刊習彌曰過利居烏許水之陽東南六百里距戍地西  
南與波斯接西北抵突厥曷薩乃康居小王輿鞬城故  
地其君治急多颶遮城諸胡惟其國有車牛商賈乘以  
行諸國天寶十年君稍施芬遣使者朝獻黑鹽寶應時  
復入朝史或曰佉沙曰羯霜那居獨莫水南康居小王  
蘇碓城故地西百五十里距那色波北二百里屬米南  
四百里吐火羅也有鐵門山左右巉峭石色如鐵爲關  
以限二國以金銅闔城有神祠每祭必千羊用兵類先  
壽乃行國有城五百隋大業中其君逃遮始通中國號  
最強盛築乞史城地方數千里貞觀十六年君沙瑟畢  
獻方物顯慶時以其地爲佉沙州授君昭武失阿喝刺  
史開元十五年君忽必多獻舞女文豹後君長數死立  
然首領時時入朝天寶中詔改史爲來威國那色波亦  
曰小史蓋爲史所役屬居吐火羅故地東阨葱嶺西接  
波刺斯南雪山循縛芻水北有咀蜜種亦自國東西六



百里所又東踰四種有鑊沙者廣三百里長五百里東  
界骨咄接葱嶺有十八種南有揭職稍大幅員準千里  
陵阜連屬多菽麥氣寒烈東南抵雪山六百里得烏葭種  
羅又踰五種至婆羅觀選北踰山行六百里得烏葭種  
東北行二百里至河波羅水西南流春夏涸凍北歷  
十二種有婆羅吸摩補羅最大種綿地回千里山周其  
外土沃產鑰水精北大雪山即東女也歷十九種得摩  
揭陀又東過四種踰大河有迦摩縷波皆阪險地接西  
南夷其人類蠻獠行二月即蜀南邊其東南野象羣暴  
故戰用象軍又南歷三十二種有狼揭羅者地大數千  
里其君治蘇刺薩儼那城土溫得引水爲田人富饒出金  
里王治蘇刺薩儼那城土溫得引水爲田人富饒出金  
銀水精多工巧織錦綉氈產善馬橐它人服錦氈賦  
稅口出四銀錢又以交易西北距拂菻君長歲遣男子配  
焉俗產男不舉又有臂多勢羅四種西北踰大山廣川  
歷小城聚行二千里即謝颺也北五百里有弗栗恃薩  
儼那地橫二千里縱千里其君突厥種治護苾那城東  
北大雪山盛夏常凍鑿冰乃可度下有安咀羅縛者地  
三千里西北踰嶺四百里有闊悉多西北三百里有活

種大二千。里此三種皆居吐火羅故地。臣於突厥君亦  
突厥種。土鐵門南。諸戎遷徙不常。東又有七種。東南峽  
道險甚。無慮三百里。得俱蘭。東北山行五百里。卽護密  
比識匿也。南有商彌地。大二千里。而羸多。蒲萄生。雖黃  
鑿石乃得。東北踰山七百里。至波譚羅川。東西千里。南  
北百里。春夏雨。雪南有鉢露種。多紫金。行五百里。有錫  
盤陀。東行八百里。出葱嶺。又入百里。至烏鍛環。千里出  
白蠶。青三種。玉君長。世臣竭盤陀。北徑磧曠野。五百里  
得疏勒。東南五百里。濟徒多水。踰大沙嶺。有斫句迦種  
或曰沮渠地。千里東踰嶺。入百里。卽于闐也。東有婁摩  
川度。磧行二百里。得尼壤城。在大澤中。地墊。湖蘆莢荒  
茂行者。鑿道趣城。通于闐。而于闐以爲東關。又東行入  
大流沙。人行無跡。故往返輒迷。聚遺骸以爲東關。無水草  
多熱風。觸人及六畜皆迷。仆行四百里。至故都。邏又六  
百里。至故折摩。馱那古且末也。又千里。至故納縛波。古樓  
蘭也。自阻蜜以下。諸種相與羣聚。華人皆以國名之。故  
未嘗與唐通。傳記雜說不可得而考。  
然其地與諸國相連屬。粗序其名云。

寧遠者本拔汗那或曰鑿汗元魏時謂破洛那去京師

八千里居西鞬城在真珠河之北有大城六小城百人  
多壽其王自魏晉相承不絕每元日王及首領判二朋  
朋出一人被甲鬪衆以瓦石相之有死者止以下歲善  
惡貞觀中王契苾爲西突厥瞰莫賀咄所殺阿瑟那鼠  
匿奪其城鼠匿死子遏波之立契苾兄子阿了參爲王  
治呼闕城遏波之治渴塞城顯慶初遏波之遣使朝貢  
高宗厚慰諭三年以渴塞城爲休循州都督授阿了參  
刺史自是歲朝貢元宗開元二十七年王阿悉爛達干  
助平吐火仙册拜奉化王天寶三載改其國號寧遠帝  
以外家姓賜其王曰寶又封宗室女爲和義公主降之

十三載王忠節遣子薛裕朝請留宿衛習華禮聽之授  
左武衛將軍其事唐最謹

大勃律或曰布露直吐蕃西與小勃律接西鄰北天竺  
烏菴地宜鬱金役屬吐蕃萬歲通天逮開元時三遣使  
者朝故册其君蘇弗舍利支離泥爲王死又册蘇麟陀  
逸之嗣王凡再遣大首領貢方物小勃律去京師九千  
里而羸東少南三千里距吐蕃贊普牙東八百里屬烏  
菴東南三百里大勃律南五百里箇失蜜北五百里當  
護密之娑勒城王居孽多城臨娑夷水其西山巔有大  
城曰迦布羅開元初王沒謹忙來朝元宗以兒子畜之

以其地爲綏遠軍國迫吐蕃數爲所困吐蕃曰我非謀爾國假道攻四鎮爾久之吐蕃奪其九城沒謹忙求救北庭節度使張孝嵩遣疏勒副使張思禮率銳兵四千倍道往沒謹忙因出兵大破吐蕃殺其衆數萬復九城詔冊爲小勃律王遣大首領察卓那斯摩沒勝入謝沒謹忙死子難泥立死兄麻來兮立死蘇失利之立爲吐蕃陰誘妻以女故西北二十餘國皆臣吐蕃貢獻不入安西都護三討之無功天寶六載詔副都護高仙芝伐之前遣將軍席元慶馳千騎見蘇失利之曰請假道趨大勃律城中大酋五六皆吐蕃腹心仙芝約元慶吾兵

唐書卷六十一  
三十一  
到必走山出詔書召慰賜繒綵縛首領待我元慶如約  
蘇失利之挾妻走不得其處仙芝至斬爲吐蕃者斷娑  
夷橋是暮吐蕃至不能救仙芝約王降遂平其國於是  
拂菻大食諸胡七十二國皆震恐咸歸附執小勃律王  
及妻歸京師詔改其國號歸仁置歸仁軍募千人鎮之  
帝赦蘇失利之不誅授右威衛將軍賜紫袍黃金帶使  
宿衛

吐火羅或曰吐豁羅曰覩貨邏元魏謂吐呼羅者居葱  
嶺西烏澗河之南古大夏地與挹怛雜處勝兵十萬國  
上著少女多男北有頗黎山其陽穴中有神馬國人游

收牝於側生駒輒汗血其王號葉護武德貞觀時再入  
獻永徽元年獻大鳥高七尺色黑足類橐它翅而行日  
三百里能噉鐵俗謂駝鳥顯慶中以其阿緩城爲月氏  
都督府析小城爲二十四州授王阿史那都督後二年  
遣子來朝俄又獻瑪瑙鐙樹高三尺神龍元年王那都  
泥利遣弟僕羅入朝留宿衛開元天寶間數獻馬騁異  
藥乾陀婆羅二百品紅碧玻瓈乃册其君骨咄祿頓達  
度爲吐火羅葉護挹怛王其後鄰胡羯師謀引吐蕃攻  
吐火羅於是葉護失里忙伽羅丐安西兵助討帝爲出  
師破之乾元初與西域九國發兵爲天子討賊肅宗詔

隸朔方行營挹怛國漢大月氏之種大月氏爲烏孫所  
奪西過大宛擊大夏臣之治藍氏城大夏卽吐火羅也  
嚧達王姓也後裔以姓爲國訛爲挹怛亦曰挹闐俗類  
突厥天寶中遣使朝貢俱蘭或曰俱羅弩曰屈浪拏與  
吐火羅接環地三千里南大雪山北俱魯河出金精珠  
石取之貞觀二十年其王忽提婆遣使者來獻書辭類  
浮屠語劫者居葱嶺中西及南距賒彌西北挹怛也去  
京師萬二千里氣常熱有稻麥粟豆畜羊馬俗死棄於  
山武德二年遣使者獻寶帶玻璃水精栴越底延者南  
三千里距天竺西北千里至賒彌東北五千里至瓜州



居辛頭水之北其法不殺人重罪流輕罪放無租稅俗  
翦髮被錦袍貧者白氈自澡潔氣溫多稻米石蜜

謝颶居吐火羅西南本曰漕矩吒或曰漕矩顯慶時謂  
訶達羅支武后改今號東距罽賓東北帆延皆四百里  
南婆羅門西波斯北護時健其王居鶴悉那城地七千  
里亦治阿娑你城多鬱金瞿草漢泉灌田國中有突厥  
罽賓吐火羅種人雜居罽賓取其子弟持兵以禦大食  
景雲初遣使朝貢後遂臣罽賓開元八年天子冊葛達  
羅支頡利發誓屈爾爲王至天寶中數朝獻帆延者或  
曰望衍曰梵衍那居斯卑莫運山之旁西北與護時健

接東南距屬賓西南訶達羅支與吐火羅連境地寒人  
穴處王治羅爛城有大城四五水北流入烏澣河貞觀  
初遣使者入朝顯慶三年以羅爛城爲寫鳳都督府縛  
時以爲悉萬州授王荀寫鳳州都督管內五州諸軍事  
自是朝貢不絕石汗那或曰斫汗那自縛底野南入雪  
山行四百里得帆延東臨烏澣河多赤豹開元天寶中  
一再朝獻

識匿或曰尸棄尼曰瑟匿東南直京師九千里東五百  
里距慈嶺守捉所南三百里屬護密西北五百里抵俱  
蜜初治苦汗城後散居山谷有大谷五酋長自爲治謂

之五識匿地二千里無五穀人喜攻剽劫商賈播蜜川  
四谷稍不用王號令俗窟室貞觀二十年與似沒役槃  
二國使者偕來朝開元十二年授王布遮波資金吾衛  
大將軍天寶六載王跌失伽延從討勃律戰死擢其子  
都督左武衛將軍給祿居蕃似沒者北接石土俗與康  
同役槃亦與康鄰出良馬俱審者治山中在吐火羅東  
北南臨黑河其王突厥延陀種貞觀十六年遣使者入  
朝開元中獻胡旋舞女其王那羅延頗言爲大食暴賦  
天子但尉遣而已天寶時王伊悉爛俟斤又獻馬護蜜  
者或曰達摩悉鐵帝曰護俾元魏所謂鉢和者亦吐火

羅故地東南直京師九千里而羸橫千六百里縱狹纒  
四五里王居寒迦審城北臨烏澗河地寒互堆阜曲折  
沙石流漫有豆麥宜木果出善馬人碧瞳顯慶時以地  
爲烏飛州王沙鉢羅頡利發爲刺史地當四鎮入吐火  
羅道故役屬吐蕃開元八年册其王羅旅伊陀骨咄祿  
多毗勒莫賀達摩薩爾爲王十六年與米首領米忽汗  
同獻方物明年大首領烏鶻達干復朝王死册其從弟  
護真檀嗣王二十九年身入朝宴內殿拜左金吾衛將  
軍賜紫袍金帶天寶初王子頡吉匐請絕吐蕃賜鐵券  
八載真檀來朝請宿衛詔可授右武衛將軍久乃遣又

遣首領朝貢乾元元年王紇設伊俱鼻施來朝賜氏李  
箇失密或曰迦濕彌邏北距勃律五百里環地四千里  
山回繚之他國無能攻伐王治撥邏勿邏布邏城西瀕  
彌那悉多大河地宜稼多雪不風出火珠鬱金龍種馬  
俗毛褐世傳地本龍池龍徙水竭故往居之開元初遣  
使者朝八年詔冊其王真陀羅祕利爲王問獻胡藥天  
木死弟木多筆立遣使者物理多來朝且言有國以來  
並臣天可汗受調發國有象馬步三種兵臣身與中天  
竺王阇吐蕃五大道禁出入戰輒勝有如天可汗兵至  
勃律者雖衆二十萬能輸糧以助又國有摩訶波多磨

龍池願爲天可汗營祠因丐王冊鴻臚譯以聞詔內物  
理多宴中殿賜賚優備冊木多筆爲王自是職貢有常  
其役屬五種亦名國所謂咀义始羅者地二千里有都  
城東南餘七百里得僧訶補羅地三千餘里亦治都城  
東南山行五百里得烏刺尸地二千里有都城宜稼穡  
東南限山千里卽箇失密西南行險七百里得半笈蹉  
地二千里又得邊邏閣補羅者其大四千里有都城多  
山阜人驍勇五種皆無君長云

骨吐或曰呵咄羅廣長皆千里王治思助建城多良馬  
赤豹有四大鹽山山出烏鹽開元十七年王俟斤遣子

骨都施來朝二十一年王頡利發獻女樂又遣大首領  
多博勒達干朝貢天寶十一載册其王羅金節爲葉護  
蘇毗本西羌族爲吐蕃所并號孫波在諸部最大東與  
多彌接西距鶻莽破戶三萬天寶中王沒陵贊欲舉國  
內附爲吐蕃所殺子悉諾率首領奔隴右節度使哥舒  
翰護送闕下元宗厚禮之多彌亦西羌族役屬吐蕃號  
難磨濱犁牛河土多黃金貞觀六年遣使者朝貢賜遣  
之伊吾城者漢宜禾都尉所治商胡雜居勝兵千附鐵  
勒人驍悍土良沃隋末內屬置伊吾郡天下亂復臣突  
厥貞觀四年城酋來朝頡利滅舉七城降列其地爲西

伊州

師子居西南海中延袤二千餘里有稜伽山多奇寶以寶置洲上商舶償直輒取去後鄰國人稍往居之能馴養師子因以名國總章三年遣使者來朝天寶初王尸羅迷迦再遣使獻大珠鈿金寶瓔象齒白氎

波斯國

居達過水

在京師西一萬五千三百里東與吐火羅

康國接北鄰突厥之可薩部西北距拂菻

高麗四千里

正西及

南俱臨大海戶數十萬

其先波斯匿王大月氏別裔王因以姓又爲國號

其王

居有二城復有大城十餘猶中國之離宮其王初嗣位便密選子才堪承統者書其名字封而藏之王死後大



臣與王之羣子共發封而視之奉所書名者爲主焉其  
王冠金花冠坐獅子床服錦袍加以瓔珞俗事天地日  
月水火諸神西域諸胡事火祆者皆詣波斯受法焉其  
事神以麝香和蘇塗鬚點額及於耳鼻用以爲敬拜必  
交股文字同於諸胡男女皆徒跣丈夫剪髮戴白皮帽  
衣不開襟并有巾帔多用蘇方青白色爲之兩邊緣以  
織成錦婦人亦巾帔裙衫辮髮垂後飾以金銀其國乘  
象而戰每一象戰士百人有敗衄者則盡殺之國人生  
女年十歲已上有姿貌者其王收而養之以賞有功之  
臣俗右尊而左卑以六月一日爲歲首斷獄不爲文書

約束口決於庭其繫囚無年限唯王者代立則釋之其  
叛逆之罪就火祆燒鐵灼其舌瘡白者爲理直瘡黑者  
爲有罪其刑有斷手刖足髡鉗劓輕罪剪鬚或繫牌  
於項以志之經時月而釋焉其強盜一入獄至老更不  
出小盜罰以銀錢死亡則棄之於山制服一月而卽吉  
氣候暑熱土地寬平知耕種多畜牧有鳥形如橐駝名  
鳥飛不能高食草及肉亦能噉犬獲羊土人極以爲患  
又多白馬駿犬或赤日行七百里者駿犬今所謂波斯  
犬也出驥及大驢師子白象珊瑚樹高一二尺琥珀車  
渠瑪瑙火珠玻璃琉璃無食子香附子訶黎勒胡椒葶

撥石蜜千年棗甘露桃隋大業末西突厥葉護可汗頻  
擊破其國波斯王庫薩和爲西突厥所殺其子施利立  
葉護因分其部帥監統其國波斯竟臣於葉護及葉護  
可汗死其所令監統者因自擅於波斯不復役屬於西  
突厥

新書施利死  
遂不肯臣

施利立一年卒乃立庫薩和之女爲

王突厥又殺之施利之子單羯方奔拂菻於是國人迎  
而立之是爲伊恒

新書  
恒

支在位二年而卒兄子伊嗣候

新書

立

貞觀十二年遣使  
者没似半朝貢二十一年伊嗣候遣使獻一

獸名活禱虵形類鼠而色青身長八九寸能入穴取鼠  
伊嗣候懦弱爲大首領所逐遂奔吐火羅未至亦爲大

食兵所殺其子名卑路斯又投吐火羅葉護獲免

遣使者告

難高宗以遠不可師謝遣會大食解而去吐火羅以兵納之

卑路斯龍朔元年奏言

頻被大食侵擾請兵救援詔遣隴州南田縣令王名遠

充使西域分置州縣因列其地疾陵城爲波斯都督府

授卑路斯爲都督是後數遣使貢獻

俄爲大食所滅

咸亨中卑

路斯自來入朝高宗甚加恩賜拜右武衛將軍儀鳳三

年令吏部侍郎裴行儉將兵冊送卑路斯爲波斯王

新書

卑路斯死始其子泥涅師爲質調露元年詔裴行儉護還非護卑路斯也

行儉以其路遠至

安西碎葉而還卑路斯獨返不得入其國漸爲大食所

侵客於吐火羅國二十餘年有部落數千人後漸離散

至景龍二年又來入朝拜爲左威衛將軍無何病卒其

國遂滅而部衆猶存

新書西  
部獨存

自開元十年至天寶六載

凡十遣使來朝并獻方物四月遣使獻瑪瑙牀九年四

月獻火毛繡舞筵長毛繡舞筵無孔真珠乾元元年波

斯與大食同寇廣州劫倉庫焚廬舍浮海而去大厯六

年遣使來朝獻真珠等

又有陀拔斯單者或曰陀拔薩  
憚其國三面阻山北瀕小海居

婆里城世爲波斯東大將波斯滅不肯臣大食天寶五  
載王忽魯汗遣使人朝封爲歸信王後八年遣子自會

羅來朝拜右武衛員外中郎將賜紫袍金魚留宿衛爲  
黑衣大食所滅貞觀後遠小國君遣使者來朝獻有司

未嘗參考本末者今附之左方曰火辭彌與波斯接貞  
觀十八年與摩羅游使者偕朝二十一年有健達王獻

佛土菜莖五葉赤華紫須龍朔元年多福王難婆修強  
宜說遣使者來朝總章元年有末陀提王開元五年有

習阿薩般王安殺並遣使者朝貢七年訶毗施王捺塞  
因吐火羅大酋羅摩獻師子五色鸚鵡天寶時來朝者  
日俱爛那日舍摩曰威遠曰蘇吉利發屋蘭曰蘇利悉  
單曰建城曰新城曰俱位凡八國俱位或曰商彌治阿  
除颯師多城在大雪山勃律河北地寒有五穀蒲萄若  
榴冬窟室國人常助小勃律爲中國候新城之國在石  
東北羸百里有弩室羯城亦曰新城

拂菻國一名大秦在西海之上一曰海西國去京師四萬里在苦西北直突厥

可薩部西瀕海有遲散城東南與波斯接地方萬餘里列城四百邑

居連屬勝兵百萬十里一亭三亭一置臣役小國數十

道里東度海二其宮宇柱櫳多以水精瑠璃爲之有貴

千里至驢分國臣十二人共治國政常使一人將囊隨王車百姓有事

者卽以書投囊中王還宮省發理其枉直其王無常人

簡賢者而立之國中灾異及風雨不時輒廢而更立其  
王冠形如鳥舉翼冠及瓔珞皆綴以珠寶著錦繡衣前  
不開襟坐金花牀有一鳥似鵝其毛綠色常在王邊倚  
枕上坐每進食有毒其鳥輒鳴其都城疊石爲之廣八  
十里  
尤絕高峻凡有十萬餘戶南臨大海城東面有大門其  
高二十餘丈自上及下飾以黃金光輝燦爛連曜數里  
自外至王室凡有大門三重列異寶雕飾第二門之樓  
中懸一大金秤以金丸十二枚屬於衡端以候日之十  
二時焉爲一金人其大如人立於側每至一時其金丸  
輒落鏗然發聲引唱以紀日時毫釐無失其殿以瑟瑟

爲柱

水精琉璃  
璃爲悅

黃金爲地象牙爲門扇香木爲棟梁其俗

無瓦擣白石爲末羅之塗屋上其堅密光潤還如玉石

至於盛暑之節人厭薰熱乃引水潛流上徧於屋宇機

制巧密人莫之知觀者惟聞屋上泉鳴俄見四簷飛溜

懸波如瀑激氣成涼風其巧妙如此風俗男子剪髮披

帔而右袒婦人不開襟錦爲頭巾家資滿億封以上位

有羊羔生於土中其國人候其欲萌乃築墻以院之防

外獸所食也然其臍與地連割之則死唯人著甲走馬

乃擊鼓以駭之其羔驚鳴而臍絕便逐水草

有獸名贊  
大如狗曠

惡而力俗皆髡而衣綉乘輜駟白蓋小車出入擊鼓建旌



旗幡幟

俗喜酒嗜乾餅多幻人能發火于顏手爲江湖口幡旆舉足墮珠玉有善醫能開腦出蟲以愈

目土多金銀奇寶有夜光璧明月珠駭鷄犀大貝車渠

瑪瑙孔翠珊瑚琥珀

織水羊毛爲布日海西布海中

珊瑚初生磐石上白如菌一歲而黃三歲赤枝格交錯高三四尺鐵發其根繫網船上絞而出之失時不取卽腐西海有市貿易不相見置直物旁名鬼市

比西域諸珍異多出其國隋煬

帝常將通拂菻竟不能致貞觀十七年拂菻王波多力

遣使獻赤玻璃綠金精等物太宗降璽書答慰賜以綾

綺焉自大食強盛漸陵諸國乃遣大將軍摩機伐其都

城因約爲和好請每歲輸之金帛遂臣屬大食焉乾封

二年遣使獻底也伽大足元年復遣使來朝開元七年

正月其主遣吐火羅大首領獻獅子羴羊各二不數月

又遣大德僧來朝貢

自拂菻西南度磧二千里有國曰磨鄰曰老勃薩其人黑而性悍地

瘴癘無草木五穀飼馬以槁魚人食鴉莽鶻莽波斯棗

也不耻烝報於夷狄最甚號曰尋其君臣七日一休不

出納交易

飲以窮夜

大食國本在波斯之西大業中有波斯胡人牧馳於俱  
紛摩地那之山忽有獅子人語謂之曰此山西有三穴  
穴中大有兵器汝可取之穴中并有黑石白文讀之便  
作王位胡人依言果見穴中有石及稍刃甚多上有文  
教其反叛於是糾合亡命渡恒曷水劫奪商旅其衆漸  
盛遂割據波斯西境自立爲王波斯拂菻各遣兵討之

皆爲所敗永徽二年始遣使朝貢其姓大食氏名噉新書

徽密莫末賦自云有國已三十四年歷三新書主矣其

國男兒色黑多鬚鼻大而長似婆羅門婦人白皙出輒障面

亦有文字出駝馬大於諸國兵刃勁利其俗勇於戰鬪

好事天神日五拜天神銀帶佩銀刀不飲酒舉樂有禮

者生天上殺敵受福故俗勇於鬪土多沙石不堪耕種唯食駝馬等肉

刻石室爲廬如輿狀歲獻貴人蒲萄大者如雞卵有千里馬傳爲龍種俱紛摩地那山在

國之西南鄰於大海其王移穴中黑石寘之於國又嘗

遣人乘舩將衣糧入海經八年而未及西岸海中見一

方石石上有樹幹赤葉青樹上摠生小兒長六七寸見

人皆笑動其手脚頭著樹枝其使摘取一枝小兒便死

收在大食王宮

海中有撥拔力種無所附屬不生五穀食肉刺牛血和乳飲之俗無衣服以羊

皮自蔽婦人明皙而麗多象牙及阿末香波斯賈人欲往市必數千人納斃劉血誓乃交易兵多牙角而有弓矢鎧稍士至二十萬數爲大食所破略

又有女國在其西北相去三月行

龍朔初擊破波斯又破拂菻始有米麵之屬又將兵南

侵婆羅門吞併諸胡國勝兵四十餘萬長安中遣使獻

良馬景雲二年又獻方物開元初遣使來朝進馬及寶

劍帶等方物其使謁見唯平立不拜憲司欲糾之中書

令張說奏曰大食殊俗慕義遠來不可寘罪上特許之

尋又遣使朝獻自云在本國惟拜天神雖見王亦無致

拜之法所司屢詰責之其使遂請依漢法致拜

十四年遣使蘇

黎蒲獻方物拜果毅賜緋袍帶

其時西域康國石國之類皆臣屬之其

境東西萬里東與突騎施相接焉一云隋開皇中大食族中有孤列種代爲酋長孤列種中又有兩姓一號盆泥奚深一號盆泥末換其奚深後有摩訶末者勇健多智衆立之爲主東西征伐開地三千里兼剋夏臘一名

彭城

彭音所鑿反

摩訶末後十四代至末換末換殺其兄伊

疾而自立復殘忍其下怨之有呼羅柵木麤

新書鹿

人並

波悉林舉義兵應者悉令著黑衣旬月間衆盈數萬鼓行而西生擒末換殺之遂求得奚深種阿蒲羅拔立之

末換已前謂之白衣大食自阿蒲羅拔後改爲黑衣大食阿蒲羅拔卒立其弟阿蒲恭拂至德初遣使朝貢代宗時爲元帥亦用其國兵以收兩都寶應大厯中頻遣使來恭拂卒子迷地立迷地卒子卒栖立卒栖卒弟訶論

新書訶論迷地弟

立貞元中與吐蕃爲勅敵蕃軍大半西禦

大食故鮮爲邊患其力不足也十四年詔以黑衣大食

使含羞焉

新書烏

雞沙北三人並爲中郎將各放還蕃

東

木祿小國也治城郭多木姓以五月爲歲首以畫缸相獸有尋支瓜大者十人食乃盡蔬有顆葱葛藍軍達安薤大食之西有苦者亦自國北距突厥可薩部地數千里有五節度勝兵萬人土多禾有大川東流入亞俱羅商賈往來相望云自大食四十五日行得都盤西距羅利支十五日行南卽大食二十五日行北勃達一月行

勃達之東距大食二月行西抵岐蘭二十日行南都盤  
北大食皆一月行岐蘭之東南二十日行得阿沒或曰  
阿昧東南距陀拔斯十五日行南沙蘭一月行北距海  
二日行居你訶溫多城宜馬羊俗桑寬故大食常游牧  
於此沙蘭東距羅利支北怛滿皆二十日行西卽大食  
二十五日行羅利支東距都盤北陀拔斯皆十五日行  
西沙蘭二十日行南大食二十五日行怛滿或曰怛沒  
東陀拔斯南大食皆一月行北岐蘭二十日行西卽大  
食一月行居烏訶河北平川中獸多師子西北與史接  
以鐵關爲限天寶六載都盤等六國皆遣使者入朝乃  
封都盤王謀思健摩訶延曰順化王勃達王塵訶澁斯  
曰守義王阿沒王俱那胡設曰恭信王沙蘭王卑路斯  
威曰順禮王羅利支王伊思俱習  
曰義寧王怛滿王謝沒曰奉順王

史臣曰西方之國綿亘山川自張騫奉使已來介子立  
功之後通於中國者多矣有唐拓境遠極安西弱者德  
以懷之強者力以制之開元之前貢輸不絕天寶之後

邊徼多虞邠郊之西卽爲戎狄藁街之底來朝亦稀故  
古先哲王務寧華夏語曰近者悅遠者來斯之謂矣  
贊曰大蒙之人西方之國與時盛衰隨世通塞勿謂戎  
心不懷我德貞觀開元藁街充斥

新書贊曰西方之戎古未嘗通中國至漢始載烏孫  
諸國後以名字見者寔多唐興以次修貢蓋百餘皆  
冒萬里而至亦已勤矣然中國有報贈冊帑程糧傳  
驛之費東至高麗南至真臘西至波斯吐蕃堅昆北  
至突厥契丹靺鞨謂之八蕃其外謂之絕域視地遠  
近而給費開元盛時稅西域商胡以供四鎮出北道  
者納賦輪臺地廣則  
費倍此盛王之鑒也

唐書卷第二百五十八下